

HARVARD COLLEGE LIBRARY  
FROM THE  
HARVARD-YENCHING  
INSTITUTE  
JUN 30 1930

3

ChL 3155/2613.73



白水縣志卷之三

食貨志

明梁善長修

哈佛大學哈爾濱分館  
圖書館珍藏印

天下有互藏以爲富兼資以爲寶者食貨是也食不足則民病貨不足則民困且病國用亦絀周禮泉府立國服之法以其國所服事之物爲息唐宋以來或折大小麥或折錢或折帛權其有餘不足輕重相抵而貨通食足焉今稅有正雜息有準折量多寡而均平之古之制政之經也司牧者奉法而不以法擾則上下交利



矣志食貨

**地畝** 黃帝立步制畝唐高祖定度田之法伍尺為步貳百肆拾步為畝百畝為頃歷朝因之

**地畝** 明初無考宣德時民田無界步尺參差各得以意贏

縮強者占多而欺隱弱者得少而賠累隆慶間知縣趙翰

乃均地則壤四等 **上地** 柒頃伍拾伍畝貳分陸釐叁毫 **中**

**地** 陸千貳百貳拾壹頃捌拾陸畝柒分捌釐肆毫 **下地** 玖

百玖拾捌頃捌拾叁畝壹分伍釐叁毫 **下地** 貳千貳百

貳拾陸頃肆拾伍畝伍分陸地之上下定賦之輕重地無

隱稅田無虛糧徵納易完公私兩利自嘉靖乙卯大饑加

以地震民徙而地一荒至萬歷十三四五年連值旱疫饑

饉而地再荒是時知縣請招復開墾冀以邀名報增溢額

之田民受增賦之苦經崇禎二年流寇之亂百姓逃竄而

田畝荒棄又如故矣

本朝順治三年百姓輯寧漸復田里奉文查丈七八兩年

豁免荒地貳千貳百貳拾貳頃壹拾貳畝叁分叁釐貳毫

柒絲知縣王永命謂開荒莫如輕賦請不拘本縣外縣人

民但開荒壹畝止納糧銀叁分一應雜差盡行豁免臺司

批允期年即報開荒地貳萬叁千肆百壹畝壹分伍釐數



多浮溢康熙二十九年至三十一年連值旱荒民無耕本  
雖奉文借給牛價籽種內仍多澄蒲兩縣民承糶耕種雍  
正七年復下開墾之令時自首起科者計地陸頃貳拾柒  
畝肆分叁釐伍毫又雍正十年報墾至乾隆六年起科者  
計地壹百叁拾叁頃玖拾壹畝貳分捌釐共地壹百肆拾  
壹壹拾捌畝柒分壹釐伍毫查原報荒地凡貳千叁百陸  
拾貳頃叁拾壹畝肆釐柒毫除此尚有未開墾地貳千貳  
百貳拾貳頃壹拾貳畝叁分叁釐貳毫乾隆二年奉

旨開墾伍畝以下永免墾科五畝以上如係瘠土貳叁畝折

算壹畝十年之後方納錢糧

澤至渥也而除從前開墾

外地皆沙石交積不堪樹藝至今無報墾者

縣地高寒收穫比他邑遲十餘日麥田每一畝上腴之

地豐年可收一石次者七八斗或伍六斗最下山麓磽

确之地及山上壘石包土層級梯磴之田俱收不及三

四斗粟田收穫分數大約與麥田同種菽麥豌豆地多

瘠薄每一畝豐年祇收七八斗最下者收俱不及三四

斗東南鄉東北鄉地種二麥者十之七八種秋禾者十

之二三正北西北兩鄉種二麥者十之六七種秋禾者



十之三四每歲所收粟麥除正賦之供及糞壅牲口之費餘剩無幾舊志云土瘠民貧良不誣也

戶口

**戶口**明以前志缺不載洪武初縣三鄉編戶三十里頗稱殷庶天順間併為二十八里至成化甲辰歲饑弘治甲子又饑逃亡者眾迺併為二十里嘉靖間歲饑地震民多竄徙遂至烟戶零落原溼荒涼里無全甲甲無全戶安樂尙禮招賢等里為尤甚焉考舊志萬歷間計戶壹千伍百貳拾有陸丁貳萬貳千玖百柒拾有捌順治初編審戶僅玖

百壹拾有柒丁僅壹萬貳千捌百有陸葦關本軍興備僅殺戮逃亡之所餘也順治七年奉

**旨**豁免逃亡丁總數計見下招回及歷年編審所出總數較前多

伍千餘丁云

賦稅

**田**原定上中下并下下四等共玖千肆百伍拾肆頃柒拾畝柒分每畝科糧不一共徵糧貳萬壹千捌拾伍石玖斗伍升肆合每石折徵銀壹兩貳錢壹分玖絲貳織肆塵應折徵銀貳萬伍千伍百壹拾伍兩玖錢貳釐伍毫絲忽以下細數



詳賦役全書 內除順治七八兩年免過荒地外實在成熟

地并新墾自首地柒千貳百叁拾貳頃伍拾捌畝叁分陸

釐柒毫額徵糧壹萬柒千叁百捌拾叁石捌斗捌升捌合

柒勺 抄撮以下細數詳賦 實折徵銀貳萬壹千叁拾陸兩

柒分伍釐壹毫

丁 三門九則不等折下下丁共貳萬叁千伍百壹拾有捌

每丁額徵銀捌分壹釐陸毫柒絲貳忽陸微肆纖柒塵應

徵銀壹千玖百貳拾兩柒錢柒分陸釐叁毫內除優免丁

五百肆拾又順治七年豁免逃亡丁壹萬伍百叁拾有玖

總招回盜丁及節年編審所出丁伍千壹百柒拾有貳實

在丁壹萬柒千陸百壹拾有肆實徵行差丁銀壹千肆百

叁拾捌兩伍錢捌分壹釐玖毫 康熙五十二年奉 恩詔

後遇編審之期但據康熙 五十年丁冊定為常額續生人丁另行編造永不加賦自

康熙五十五年 起至乾隆十六年止凡編審八次共出永

不加賦丁肆百零伍丁內開除死亡丁貳

拾貳丁實出永不加賦丁伍百捌拾叁口

均徭銀原額貳千叁百叁拾叁兩壹錢壹分伍釐肆毫內

除荒銀肆百玖兩陸錢貳分實徵銀壹千玖百貳拾叁兩

肆錢玖分伍釐叁毫

均攤丁銀壹千陸百柒拾貳兩柒分捌釐肆毫 雍正五年

總督岳



奏准以糧載丁每糧壹石銀壹兩  
攤入丁銀壹錢伍分柒釐玖毫

年例攤纏銀叁兩肆錢肆分貳釐柒毫

停免銀陸拾伍兩叁錢伍分捌毫

軍籍新增銀捌百叁兩伍錢肆分陸釐叁毫

匠價銀陸拾叁兩捌錢伍分伍釐  
乾隆元年侍讀學士  
奏准匠價照江南

攤入地  
糧內

課程銀壹拾貳兩柒錢貳分

以上田丁等項徵銀凡貳萬柒千壹拾玖兩壹錢肆分陸

釐叁毫閏月加增銀貳百伍拾貳兩貳錢貳分柒釐

起解

兵餉銀貳萬叁千伍百捌兩柒錢貳分叁釐

軍籍新增銀捌百叁兩伍錢肆分陸釐叁毫

年例盤纏銀叁兩肆錢肆分貳釐柒毫

藥味脚價銀玖錢捌分捌釐玖毫

停免銀陸拾伍兩叁錢伍分捌毫

裁汰燈夫銀壹拾玖兩壹錢伍分柒釐叁毫

均攤俸工銀柒拾兩玖錢貳釐

新增官役俸工銀叁兩捌錢柒分壹釐



站支銀壹千柒拾肆兩伍錢玖分壹釐

裁汰民壯工食銀壹百陸拾捌兩

裁汰損夫工食銀玖拾玖兩陸錢叁分壹釐陸毫

遞馬增熟銀壹百壹拾貳兩玖錢柒分肆毫

撥補邊塘夫馬工料銀伍拾柒兩陸錢叁分捌釐

布花增熟銀壹分叁釐陸毫

課程銀壹拾貳兩柒錢貳分

以上起解銀凡貳萬陸千壹兩伍錢肆分柒釐肆毫內除

里民完納駐防兵馬米豆艸三色准抵正賦銀壹百柒拾

陸兩實起解銀凡貳萬伍千捌百貳拾伍兩伍錢肆分柒

釐肆毫閏月加增銀壹百玖拾伍兩伍錢陸分捌釐

留支

知縣一員俸薪銀肆拾伍兩除扣荒外實支銀貳拾肆兩伍錢玖分玖釐玖毫

門子二名工食銀壹拾貳兩

皂隸一十四名工食銀捌拾肆兩

馬快手八名工食銀壹百叁拾肆兩肆錢

民壯二十二名工食銀壹百叁拾貳兩



轎傘扇夫七名工食銀肆拾貳兩

庫子四名工食銀貳拾肆兩

鐘鼓夫五名工食銀壹拾貳兩

斗級四名工食銀貳拾肆兩

蔡子八名工食銀肆拾捌兩

件作二名工食銀壹拾貳兩

遞馬二匹馬夫一名工食艸料修理藥味銀伍拾柒兩

錢叁分捌釐

每年倒馬銀叁兩貳錢赴司請領內扣除皮臘變價銀貳錢

司兵一十二名工食銀柒拾貳兩

**典史**一員俸薪銀壹拾壹兩伍錢貳分

門子一名工食銀陸兩

卓隸四名工食銀貳拾肆兩

馬夫一名工食銀陸兩

**訓導**一員俸薪銀肆拾兩

門斗二名工食銀壹拾肆兩肆錢

齋夫三名工食銀叁拾陸兩

膳夫二名工食銀壹拾叁兩叁錢叁分叁釐叁毫

廩生二十名月糧銀陸拾肆兩

舉人會試盤纏約給銀柒兩餘赴司請領



春秋祭祀銀陸拾伍兩陸錢柒分貳毫

雍正十三年撥補不敷銀柒兩陸錢

陸分又祭關侯廟銀貳拾壹兩捌錢捌分零祭銀肆兩俱赴司請領

鄉飲銀肆兩貳分肆釐陸毫

孤貧八名口糧銀貳拾捌兩捌錢冬衣布花銀伍兩貳錢

壹分貳釐壹毫

乾隆二年添設孤貧四十一名口糧銀壹百肆拾柒兩陸錢冬衣布花銀貳拾陸兩

伍錢肆分伍釐俱赴司請領

以上留支銀凡壹千壹拾柒兩伍錢玖分捌釐玖毫閏月

加增銀伍拾陸兩柒錢伍分玖釐

把總一名馬戰兵三名每名歲支市斗米捌石共叁拾貳

石閏月加增米貳石陸斗陸升陸合陸勺

馬四匹每匹春冬二季支市斗豆伍石肆斗肆參百陸拾

束每束重柒觔

共豆貳拾壹石陸斗肆壹千肆百肆拾束閏月

加增豆叁石陸斗肆貳百肆拾束

守兵二十七名每名歲支市斗米肆石共壹百八石閏月

加增米捌石玖斗玖升玖合

以上民納米豆壹斗准銀壹錢肆分米豆肆

共扣抵地丁正賦銀壹百柒拾陸兩

兵馬餉乾銀在富平營領支見營況志

雜稅

雜稅



牙帖九張額解稅銀玖兩

當舖十座額解稅銀伍拾兩

畜稅雍正五年奉文儘收儘解每年約解銀叁拾兩有奇  
閏月加增銀貳兩有奇

地稅雍正五年奉發契紙儘收儘解每年約解銀壹拾陸  
柒兩不等閏月加增銀壹兩有奇

按舊志白水明初田稅數止捌分且隔年徵輸嘉靖間  
加派壹百捌拾兩捌錢柒分萬歷間加派柒百叁拾伍  
兩伍錢伍分至天啟崇禎間又增派遠餉新餉練餉三

項且責令一年全納我

五

朝戡定關輔詔免三餉而民困始蘇焉明丁役有歲徵  
有歲辦有歲徭隆慶間從御史龐尙鵬請行一條鞭法  
將起運各部寺本折各項名色及兵餉驛站存留雜支  
等項槩從田畝科徵自是民無雜役而里甲寬矣

本朝科徵仍行條鞭法自雍正五年岳總制請將丁銀  
攤入地糧無業之民不致有差徭之累惟里下值役仍  
沿現年之名歲約派銀壹千伍百餘兩乾隆十四年知  
縣唐明將十六里幫貼書吏口食紙筆并轎夫馬夫門



軍吏夫倉夫門子舖兵禁子傘夫扇夫工食以及官衙  
 年節門神門對銀硃印包迎春霜降祭祀新任舖墊過  
 往公館糧櫃鎖鑰錢糧布包暖閣地板倉廩監獄等項  
 通稟革除又知縣厨夫向亦里下雇應十五年署縣事  
 陳大呂革除又東西兩鄉煤井計二百三十餘眼向有  
 炭戶頭名目假稱供應官炭暗中漁利十八年知縣  
 善長革除官無私歛里無私派民困頓舒收民之心亦  
 無咎矣風俗通曰百里為同總名曰縣縣立也從系例  
 首言當立謂循例也然則為縣官者顧名思義其以輕

循為首務乎

**鹽課** 縣民所食山西解池之鹽○每鹽二百四  
 十觔為一引二萬八千八百觔為一名

額定正引壹千壹百伍拾道餘引陸百道又代銷蒲城引

捌道長武引貳拾伍道每引壹道銷鹽捌斗歲共銷鹽壹

千肆百貳拾陸石肆斗商領商繳課銀伍百貳兩柒錢伍

分鹽價以斗計每鹽壹斗計重貳拾伍觔定價銀貳錢肆  
 分制錢貳百肆拾文制錢不照時價折銀以錢價有低

昂故也

**積儲** 乾隆十二年藩司慧定議京斗米庫平銀壹兩  
 伍錢以下為賤價貳兩伍錢以下為中價叁兩

貳合捌勺○縣市平較庫平每壹兩輕貳分



常平倉四處額儲京斗穀參萬石乾隆十八年實儲麥穀折合京斗穀參萬壹千貳百貳拾石貳升伍合陸勺每年出陳易新存采借參其採買之穀每壹石詳報開銷耗穀壹升以三年為度每年因糧在倉支給詳報開銷

社倉七處原均儲京斗穀陸千捌百壹拾叁石貳斗壹升陸勺十八年民欠通完計實儲本息麥穀折合京斗穀共柒千壹百玖拾伍石伍斗貳升柒合每年存半借半每收穀壹石加息穀壹斗壹升荒年免息每壹石准開銷鼠耗穀壹升

耀莊社倉

乾隆十八年實儲麥穀折合京斗穀壹千貳百玖拾肆石伍升肆合

雷新社倉

乾隆十八年實儲麥穀折合京斗穀壹千壹百柒拾玖石肆斗捌升肆合

子阿社倉

乾隆十八年實儲麥穀折合京斗穀玖百捌拾貳石肆斗捌升陸合

新審社倉

乾隆十八年實儲麥穀折合京斗穀玖百貳拾玖石陸斗叁升貳合

雷村社倉

乾隆十八年實儲麥穀折合京斗穀壹千捌拾壹石伍升三合

和蘇社倉

乾隆十八年實儲麥穀折合京斗穀玖百玖拾捌石柒斗捌升叁合

却寨社倉

乾隆十八年實儲麥穀折合京斗穀柒百貳拾玖石叁斗叁升伍合

倉儲者民生之大命國家之血脉也漢唐以來名稱不一積本有出自官民之殊而利弊相參者偏於一則難



久也我

朝於城則建常平倉於鄉則建社倉變通古人之法定爲畫一之規謹其蓋藏平其出納防其虧缺常平倉主在官不使以官而妨民社倉主在民不使以民而欺官公私協濟鄉城均惠誠百世可行者也白水常平倉雍正年間定額或春糶秋糶或春借秋還或動用賑濟或借支兵餉乾隆十三年奉文令多儲者酌價出糶或就近撥補缺額其平糶之穀於秋後原價買補嗣又奉文價平則買價貴則停倉有缺額俟次年豐稔撥補於

富民不難昂貴之穀貧民常食平價之糶也倉廢原儲米麥雍正初率以米麥性不耐久悉令易穀今許積麥定一麥二穀之例此從宜從俗之道也社倉七處雍正九年奉文設立將耗羨銀兩糶穀分儲各設倉正副主之每年於息穀內給口食穀各十二石地方官有創議交官及因公事侵用者俱以擾國亂政遺悞民生論罪故每年借欠實儲數目倉正副出具甘結官爲查報不與其事近又令地方官不時清查如有虧缺不報查出卽令地方官賠補所以專其責成也而倉正副者凡屬



富戶皆不肯爲爲者率中產之人中產之人又以責任  
綦重而不爲於是貪鄙營私之徒賄囑鄉保濫舉混充  
其始任事也尙猶目爲官物不敢肆志久之見官不甚  
稽察視若已有漸漸侵食其收放也以小斛出以大斛  
入以圓潔者入以低糶者出而又私其所親疎者鮮與  
焉且官放者一而私放者二串通胥役暗中分利一聞  
官至盤查則假貸粟麥屯積以應官去仍歸於人官或  
徹底清算則妄開花戶拖欠增捏虛數以圖掩飾迨至  
傳對花戶水落石出而後鬻產以償賠償不前則且累  
及親鄰矣夫所放之粟麥亦有凶劫乏不能遽還者而貧  
民拖負者其數少倉正副之侵欺者其數多也是必慎  
選各該村之廉謹者優禮之使主其事出納之時又必  
親行經理總其本息登諸印簿俾不得以少爲多移甲  
作乙夫然後可以絕虧欠而裕民食焉



白水縣志卷之三 食貨終

白水縣志卷之三

知縣梁善長修

官師志

邑之設令所以行一邑之政令也而漢代之稱循良者非美其治行則頌其德化乃知名曰師長職養職教道在撫柔舍此別無所謂才能也白水當後魏時析縣為郡至北周猶沿之故有郡守若佐貳學官明初猶與上邑同官茲土者先後接踵升沉異數而堪俎豆不朽者自有輿論在補前志之所未詳續前志之所未載次其



職守傳其政績欲使來者知所取法也志官師

白水郡守 北魏始設 至隋罷

北魏

郭啟元 府志真君九年按真君時未建白水郡 楊集始 氏人孝文帝時除

高幹 字干奴維陽人好學有雅度以涇縣伯守郡居官廉平

按府志於清城載太守高幹渤海蓆人於白水載縣令

高幹維陽人俱在北魏時邑舊志亦以幹為白水太守

豈本是一人先為縣令後為郡守耶而籍貫互異何也

楊範 閩人宣武帝時除

西魏北周無考

知縣 漢邑萬戶以上稱令不及萬戶稱長漢後皆稱令元設建魯花赤兼諸軍奧魯勸農事改令曰

尹明稱知縣本朝因之○按秦罷侯置守諸侯之職歸於守令傳記多稱知縣曰侯以此

漢

尹賞 字子心巨鹿人有傳 薛恭 平陵人以孝舉成帝時自富平調任

北魏

宋 稚 敦煌人景明三年任有傳

唐

張子奇 太極間任祀名宦祠有傳 孫宰 至德間任未詳其名據杜詩補入



白行簡 元和間任祀名宦祠有傳

宋

靳惟一 嘉祐間任兼監鹽麩商稅務

呂昌彥 東平人熙寧間任有杜甫詩碑記

梁沂 字聖源照杜甫詩碑補入

金

陳炳 貞祐間任祀名宦祠有傳

元舊志缺今無可考

明

蔡頤 熙寧間任

賈京 熙寧間任刻杜甫詩碑

楚幾聖 元符間任照趙世英詩序續入

張三同 吳縣進上洪武四年任祀名宦祠有傳

張節 字大義東平州人宣德七年任重修文廟

吳麟 馬邑人

王英 獻縣人正統十一年任府邑志遺

王素 天順中任

晏文茂 所撰惠民碑記存縣北門外十字街旁祀名宦祠有傳

徐良輔

陳紀 岳池舉人弘治四年任祀名宦祠有傳

周任登 遂寧舉人弘治十二年任

衡政 蒲州舉人永樂間任

鄭荔 襄城歲貢生宣德八年任府邑志遺

王彥才 舉人

蓋猴 舉人景泰元年任祀名宦祠有傳

韓睿 字子聰陝州舉人成化十四年任有教諭

柴衷 表府志作忠陽穀舉人有惠政

鄭洪 清平進士弘治十一年任調長安

張景陽 聊城歲貢生弘治十六年任



侯璽 長子舉人正德元年任祀名宦祠有傳  
白思温 平定州例貢生正德三年任

田能 字廷用宣府萬全衛歲貢生正德六年任  
馬鵬 安邑舉人

余杞 青神舉人正德九年任  
費潤 遼東復州衛歲貢生正德十一年任

駱永厚 嘉定州歲貢生正德十四年任  
胡山 富順舉人正德十五年任祀名宦祠有傳

廉明 南陽舉人嘉靖初自富平調任  
華南 西華歲貢生序班遷任府志失名

賈實 滿城舉人賑饑有方蝗不為災  
石叙 渾源州歲貢生嘉靖十一年任

賈墳 字伯德蒲州歲貢生嘉靖十四年任重修縣治

周賢 字士希柳州歲貢人嘉靖十六年任祀名宦祠有傳

高蘭 陽曲舉人  
邱山 江舉人

張京忠 高平歲貢生嘉靖二十九年任申請倉聖祀典

温伯仁 儀封舉人嘉靖三十二年任有傳  
王簡 字子敬趙州舉人嘉靖三十五年任

杜德信 華縣例貢生嘉靖三十九年任  
莊璫 字樂忍嘉定州例貢生嘉靖四十一年由

廣西利倅遷任請復華陰換納糧石創修邑志  
馮希曾 蒲縣歲貢生嘉靖四十五年任

趙翰 解州舉人隆慶二年任有傳  
張鳳翼 萬全衛舉人隆慶六年任

彭适 深陽歲貢生萬歷二年任  
趙宋 柏鄉歲貢生

賈汝軒 咸安舉人  
劉鑄 葉縣歲貢生

張玉冠 興縣歲貢生  
毛應詩 黔江歲貢生萬歷十三年任有傳

李尙恂 榮昌舉人萬歷十八年任  
陳所知 澤州舉人萬歷二十年任



賈熙載 字亮所 雒澤舉人 萬曆二十三年任 有傳  
李應魁 德州拔貢生 萬曆二十七年任 有傳

崔汝魁 獲鹿歲貢生 萬曆二十九年任 有傳  
沈嘉賓 保安衛舉人 萬曆三十二年任 有傳

劉夢陽 字淑升 嘉定舉人 萬曆三十五年任 有傳  
黃汝槐 鄭縣拔貢生 萬曆三十八年任 有傳

楊壽徵 正陽歲貢生  
龍一道 衡陽歲貢生

楊可亨 邯鄲歲貢生  
李春育 合州歲貢生 以上萬曆末任

范希滂 蒲州舉人 天啟三年任 有傳  
鞠思讓 文登恩貢生 崇禎二年任 有傳

張名世 字應期 馬邑拔貢生 崇禎五年任 有傳  
王無逸 寧陵歲貢生 崇禎二年任 有傳

朱迴澆 潞安府歲貢生 崇禎十五年任 有傳

譚文 長沙歲貢生  
劉步 東明歲貢生

何繼祖 射洪歲貢生 府志遺○以上崇禎末任

本朝

蔡應運 德州拔貢生 順治二年任 有傳  
王永命 字福荷 海州人 順治三年任 有傳

喻崇修 郴州進士 順治十一年任 重建先師廟  
蔣如璠 字青萃 順天進士 順治十二年任 有傳

行取刑部主事  
崔九圍 字式甫 順義進士 康熙三年任 有傳

楊奇斌 正紅旗監生 康熙十四年任  
崔迪吉 康熙七年任

上官源 字崑澎 翼城歲貢 康熙十九年任

張永茂 字元公 三韓舉人 康熙二十年任 遷西延同知  
劉令貽 字夔復 武進副將 康熙二十三年任

記  
去思碑存縣治東 江南督學僉事 韓城解縣 康熙二十三年任



官三載卒有遺愛碑存縣  
治東貢生張我靈譔記  
去思碑存儒學門外貢生杜  
世芳譔記字今漫滅有傳

王孫爵 字公錫涇縣拔貢生康熙四十年任  
吳鳴宇 錢塘監生康熙三十三年任

祝世昇 侯官監生康熙四十六年  
任好侈喜用以虧空罷去

齊宗德 字慎公鑲藍旗監生康熙五十年任  
吳州知州

張鵬翼 字勿雅正白旗漢軍進士康熙六十年任  
遷蘭州

王世爵 鑲黃旗舉人雍正元年任  
謝立 字位可永嘉監生雍正三年任

侯執信 公安舉人雍正六年任  
郭楚白 字荆玉榮澤舉人雍正七年任

授乾隆元年補行引見  
蔡煥章 字尚閣晉江進士乾隆四年任

二年復任四年告病歸

鍾朝朗 字亮所岑溪舉人乾隆八年任

唐明 字述菴青溪舉人乾隆十一年任

梁善長 字崇一廣東順德舉人乾隆十五年任

縣丞 柳宗元云丞蓋承六職以輔其

李經 宣德初任  
謝伯榮 蒲州人直德中任

王祚 景州人  
張平 唐縣人

王鼎 楊景輝 弘治間任

蕭忠 濟南人

至簿 掌勾稽簿籍隋始設明弘治末年裁



宋

李文通 嘉祐間任

明

丁華 和州人 洪武二年任 有傳

丁復 宣德初任

高昇 宣德間任

張祐 太谷人

范英 弘治間任

柳澗 正德間任

王珏 鄉寧人 嘉靖間任

劉文恂

巡檢 明嘉靖間設 後裁

平世

郭廷學 山西人

天衢 萬曆初任

張漢正 山西人

游仁 商城人

杜三樂 沙河人 萬曆末任

朱國璋

杜宗 聖天元萬曆間任

典史 明設 本朝因之 宋元以前日尉掌監獄 城池兼捕盜賊

唐

崔頊 博陵人 天寶間任 祀名宦 祠有傳

宋

張廷珪 濟源人 有志畧 以進士補累官 監察御史 審 參 天聖間任 祀名宦 祠有傳

旬保之 熙寧間任 兼主簿

李偉 熙寧間三 班奉職 監泉酒稅 權縣尉

巡檢 典史



明

張欽

洪武初任

王鑑

宣德初任

賈弼

宣德末任

王英

弘治間任

李楨

正德間任

龐暹

府志遺

李安

深州人

張定

河東人府志遺

周瑄

胡樸

王潤

劉準

準一作淮富順人有才能署縣事

李從性

周榮

高佑

霍州人

陳世美

長子

成盈

臨潁人

牛天德

以上嘉靖間任

戴子甲

張騰

以上隆慶間任

樊遂

金堂人歷初任

王嘉察

字對南巴縣人萬歷十三年任

謝孟深

桂陽人

李弘聲

天台人

方茂才

江津人

程國楨

浮梁人

程準

山海衛人

顧學禮

萬全衛人由承差

方詔

莆田人

田慶

歷城人

鄭世達

萬縣人○以上萬歷間任

姚憲

陳實

簡縣人

聞奇

黃岡人○以上府志遺



江萬里 清流人

周之德 枝江人

崔守臣 房山人

徐宗材 大竹人 上載府志

王懋德

劉桂 潁陽人

劉進 崇禎間任十六年 死賊難事見明史

鄭光裕 谷陽人 上府志

本朝

徐志英 志府志 作治順 治十二年任

章文

沈一元 以上順 治間任

關必通

馬思文

閻聖清 鳴鹿人 康熙十二年任 以上府志

趙煥文 懷寧人 康熙七年任

胡行真 豐潤人 康熙七年任

方元貞 府志 遺

宋本植 永清人 康熙三十一年任

周鎬 良鄉人 康熙三十七年任

李永芳 濟寧人 康熙四十四年任 山總河承差

金邦泰 大興人 康熙四十八年任 以病去

潘彙 字雲五 山陰人 康熙五十年任 雍正十年任

三年遷 盛京刑部司獄

胡述坤 上虞人 乾隆元年任 以上載府志

孫燦 字德輝 山陰人 乾隆八年到任

教諭 明設 本朝 康熙三年裁

明

牛珪 珪一作珪 仲西安人 洪武二年任 歷八年 告休寓居縣之龍山村 遂隸籍焉 府志遺

王皞 蒲州舉人 永樂四年任 通經能詩 教士有方



安民 直隸舉人宣德間任課士勤懇

逢鑑 宣德間任課知縣鄧

府志

晏文茂 瀘州舉人成化八年任富學問

田澍 宣德末任課知縣鄧

潘祥 富順人

顏淳 澤州人

賈維 府志遺○以上弘治間任

余猷 內江舉人祀名宦祠有傳

韓端 太原人

黃瑤 杞縣人祀名宦祠有傳

王鏡 鏡一作鏡太康人○以上正德間任

張澤 保定人

戴殊遇 新寧拔貢生祀名宦祠有傳

徐崇德 湖廣人詠和誠實

武述 嘉魚人

徐梅 華昌人

陳善 汝州人

楊躍川 蒲州舉人

高文啟 彭山人撰莊場重修縣治記

冀為珩 永平人飛名宦祠有傳

李相 偏橋人

黃志學 夏縣人

王見吉 扶風人

楊春 環縣人

陳嘉謨 林桂人○以上嘉靖間任

周台 新寧人隆慶間任課重修關侯廟

張黃裳 黎城人

余存一 光山拔貢生撰知縣毛應詩增修縣志

記

魯一變 劍州人

李遇春 鳳縣人

尤翹 字嵩峯文縣舉人

張謙 襄城人

王嘉謨 鳳縣人遷蓬州學正



郭用善 漢陰人。以

韓養性 河陽人。府志遺

孫賢 徽州人。

楊文炳 潁州人。萬

邢珍 孟津人。

鹿養廉 清源人。

杜化鵬 閩縣人。以

邢永烈

韓應選 以上府志遺

高晃 府邑志遺

本朝

門四闕 寧州舉人順治博任。撰知縣喻

張楷 順治間任。撰臨川鎮浮山聖

訓導 明設。本朝因之。例用歲貢。明中有

秦同 洪武

邊昱 宜德間任。以

范述 劉志作亂。嘉定人。成化

李永 郊縣監生成化

趙瑞 蒲州人。弘治間任

劉奎 孟縣人。王厚 府志長葛人。邑

傅良 四川人。王 府志太原人

李鳳 潼關人。遷

錢鐸 臨汾人。祀名

系示



任 瀛 東昌人

伍 廣 嘉慶人

張 舜 卿 澤源州人 文縣教諭

王 用 予 永寧州人

聶 進 修 字容菴 離陽人

何 學 字誠齋 肅寧人 有詩名

黎 世 和 保寧人 善屬文 兼能詩

齊 卓 成都人

李 華 字北山 仁壽人

饒 華 華府志作 革湖廣人

胡 向 化 府志遺 齊陽人

孟 乘 雲 鎮平人

馬 康 祚 四川人 以上嘉靖間任

何 縉 成都人

馬 希 龍 榆林衛 舉人

何 文 炳 靜寧人

史 朝 聘 兩當人

張 應 龍 字濟川 南陽人

馬 嵩 清水人

張 大 善 秦安人

彭 高 邠州人 邠黎城教諭

徐 養 蒙 文縣拔貢生 以上萬歷間任

王 佐 才 會寧人

衛 性 甘泉人 以上載府志

魏 歲 歲續表忠記作魏 歲 死賊難事見明史

陶 懋 德 雲南人 以上載府志 順慶任府志遺

本朝

門 賢 順治間任

宋 蟻 舟

高 應 徹 涇原人 康熙十二年任 譙知縣 張永茂重修秦嶽廟碑記府志遺

邵 自 治 寧夏衛人 康熙二十五年任

張 宗 漢 字兩宜 安定人

劉 大 觀 宜川人 康熙五十一年任



高 响

寶雞人康熙間任府志遺

盛朝選

紫陽人雍正四年任

左秉義

咸寧人乾隆二年任

石 恂

安定人乾隆四年任○以上載府志

何彰圖

華亭人乾隆十年任三年以目疾去

賈敷言

字升榮隴西人乾隆十三年到任

稅課局大使

楊 忠

宣德間任

陰陽訓術

呂從芳

宣德間

醫學訓科

俊 宣德間

江

雍正九年

僧會司僧會

原領度牒戒僧三十名應付僧九名

緒 登

雍正十年

道會司道會

原領度牒道士一十七名

賈一祥

雍正十年

把總

本朝設

李應柏

固原人康熙三十三年以功加遊擊管千總事

馮 虎

毛景雲

四川人康熙三十八年任

李化龍

潼關人康熙三十九年任

黃希麟

李士端

張 烈

咸寧人康熙六十一年任

把總

把總

把總

把總



李廷極

潼關衛人雍正七年任

宋泰

蒲城人雍正九年任

王見文

字煥章長安人乾隆四年任

蔣世威

固原人乾隆五年到任

職官品秩胥役印記

本朝縣設知縣一人品正七俸薪銀四十五兩雍正七年

設養廉銀六百兩公費銀一百六十兩

在地丁耗羨銀內留支

吏胥

十人

內典史六人雍正五年設總吏二人七年設提牢吏一人乾隆二年俱裁吏書舊有工食銀九十七兩二

錢康熙門子二人阜隸十四人馬快手八人

通雅云晉太康元年去州

郡兵大部置武吏百人小郡五十人此今快手之自也明有打手箭手長竿手螞螂手等稱總以輕利便捷為能故

流稱曰快手善騎射者曰馬快手

民壯二十三二人

民壯乃強健勇敢之稱所謂健丁也白水前明

額設民壯一百二十名

本朝順治四年止存五十一名

全華雍正七年復設五十二名裁減二十一名乾隆七年又裁減七名今止存二十二名內弓箭手十名

名馬快

十二名○捕役十六人在壯內選充

夫七人庫子四人鐘鼓夫五人斗級四人祭子八人件作

二人馬夫一人舖司兵一十二人典史一人俸薪銀三

十一兩五錢二分雍正七年設養廉銀六十兩

在縣地丁耗羨銀內

支醫攢吏一人門子一人阜隸四人馬夫一人

訓導一人

品從八俸薪銀四十兩攢吏一人門斗二人齋夫三人

夫二人

知縣清篆銅印一顆

乾隆五年千八百六十二號乾隆十六年九月初一日頒發到縣



訓導清溪學記一類乾隆六年二月初一日頒發到學

官師列傳

漢

尹賞字子心鉅鹿人初為樓煩長成帝時舉茂才為粟邑令粟故小邑僻處山中民謹樸易治時煩陽今富平多盜其令薛恭職不辨守左馮翊薛宣奏當與恭換縣數月兩縣皆治賞祀富平名宦祠

北魏

宋維字季預敦煌人景明二年今在正二十一年頗得民

和

唐

張子奇太極間令有政績神宋縣尉甯參得諸廢城之南移置思齊樓下久不知徙沒何處矣

白行簡元和間以進士為縣令敏而有辭於縣城西蓮花池上構二亭顏曰吏隱此可以觀其志焉

行簡舊志不詳何處人考渭南志有白行簡者字知退下邳人元和間進士長慶時官至膳部郎中歸與兄居易日以山水為樂官白水者當即居易之弟行簡也



崔頊博陵人天寶末年縣尉德宗相崔造父本舊志杜拾遺

甫舅氏也至德元載五月甫自奉先挈妻子來依之其舅

宅喜雨詩云吾舅政如此古人誰復過則頊之才德可以

想見

杜甫詩崔十九翁編修仇滄柱注云公舅崔十九翁未

詳其名字舊志頊一名頊不知何據考杜年譜大歷五

年甫避賊珍亂知州依舅氏崔偉甫初稱舅崔少府

後稱明府漢時明府止謂太守至唐直以稱縣令疑崔

初為白水尉後出尉而縣而州崔頊乃崔偉之訛也

宋

真參天聖間以尉兼主簿署縣事百廢修舉初縣獄湫隘

傾圮因吉溼蒸麥白于當道廓而大之自為記參詩高雅

有縣齋十詠自序之併刻於石石刻今豎縣儀門內

金

陳炳貞祐間令舊志稱其忼爽明允日行阡陌間勸課農

桑嘗掘地獲杜甫詩碑正鄉民廟祀杜十姨之訛

明

張三同吳縣進士洪武四年由中書知縣事草創之初



度地居民修復城署營建廟學又定法令均徭賦開先之  
功居多焉

蓋獲舊志不詳何處人景泰元年由舉人知縣事以禮義  
造士以樹藝課民撫恤善良不畏強禦繼張三同之後治  
績茂著云

韓睿字子聰陝州舉人本舊志碑甘棠人肖監成化十四年知縣事

仁厚有禮政尚平易開鑿井泉以利民用民感戴之語詳  
教諭晏文茂所撰惠民碑記中

陳繼岳池舉人弘治九年知縣事冲淡無欲剛方有為

強憚之以才擢知乾州未滿歲改知鳳州兩州之民交頌  
境上云語詳學正劉光哲所撰去思碑記

侯璽長子舉人正德元年知縣事薄於自奉嚴明能斷死  
是邑多逋賦璽至今里民自封入甕除里排催督宿弊食  
橫無所侵漁民德之以才調澄城擢知商州官至僉事

胡山富順舉人文定公安國之裔正德十五年知縣事為  
人嚴重有治事才勸農課士增修學宮遇疾疫散給藥餌

療痊甚衆踰年田產瑞禾邑舉人廉介繪為圖侯僉事自  
明作瑞禾記石刻今在嘉靖四年調富平尋擢知易州



石叙渾源州歲貢生嘉靖間知縣事爲人長厚立政寬平  
年饑民多流散叙集父老開誠撫慰復爲請賑多所全活  
焉

周賢字士希柳州舉人初爲清流教諭尋擢雲南知縣嘉  
靖十六年調白水持身謹嚴遇事明斷創立社學社倉社  
約及請設秦山巡檢司皆能始終其事官六載入爲大理  
寺丞

溫伯仁儀封舉人嘉靖三十二年知縣事值虜寇徧城設  
法捍禦鳩工展築城郭圍護井泉以備不虞劉志以爲賦  
功甚茂當祀名宦

趙翰解州舉人隆慶二年知縣事均地平賦民無怨爭嘗  
掘地獲銅錢十數石盡以購糶爲城堞擢知晉州民爲建  
祠立碑

毛應詩別字華東黔江拔貢生萬歷十三年知縣事白水  
當明中葉諸事頽廢應詩至振衰起敝凡聖賢遺跡以及  
廟學衙署倉庾監獄多所增飾教諭余存一有碑記

賈熙載字亮所鷄澤舉人萬歷二十三年知縣事明練有  
良政謁倉聖廟見一白兔躍於前熙載以爲禱之徵應因



捐貲創修廟宇官三載以憂去士民為之立祠

沈嘉賓字我峯萬全保安衛舉人萬歷三十二年知縣事

政平民和擢鳳翔府通判民立祠與賈合祀

劉夢陽字淑升嘉定州舉人萬歷三十五年知縣事時文

廟圯壞邑諸生急欲興修以紕于財議弗決夢陽慨然獨

任鳩工庀材期年而廟成又以樂器祭器不備不可以光

大典命工如古製造之官兩葺續修邑志闡揚聖哲此可

以觀其政教矣

黃汝槐鄆縣貢生萬歷三十八年知縣事時值饑民多流

以境有回民最强汝槐中請除流民以安後以事去

邑為立祠與賈沈同祀

鞠思讓文登恩貢生崇禎二年以縣河北盜起自鎮安調

任剿撫時值歲饑設法賑恤民用安堵署理蒲城歷巡延

安諸邑語詳順天巡按御史同州李京所撰去思碑記以功遷平涼知府恩賜進

士後擢薊遼監軍道見鎮安志

張名世字應期馬邑志傳馬邑拔貢生初授棗強縣丞崇

禎五年遷知縣事時值歲祲盜橫名世練鄉兵鋤強梗周

貧困民賴生全任四載調咸陽尋擢府同知才名赫赫經



略洪承疇書重之薦為監紀參其軍事後擢薊州兵備道  
敵至率眾固守城陷力戰死語詳縣去思碑在南門外及馬邑  
志傳

三無逸寧陵歲貢生崇禎十二年知縣事明斷不撓修城  
禦敵樓創明德書院自為記後寇潛入城陷衣朝服坐堂  
上罵賊死

朱迥澆瀋府宗室崇禎十五年由宗貢生知縣事文雅能  
詩又明習吏事下不敢欺十六年冬賊潛入城陷迥澆手  
弓射賊與學官魏歲典史劉進同被難事載明史

丁華和州人洪武二年廷筭時寇亂初平華以三筭攝縣  
事於南臨川創修縣治氏漸安集進士渭陽石希仁有碑  
記碑舊埋臨川古城中一農夫移置村坳土神祠無有過  
而問者故邑舊志無華名府志亦祇載其籍貫而華於白  
水城池廟學實有功也故特表面出之碑今移置縣儀門下  
余猷內江舉人正德六年教諭學有根柢每講經引據詳  
明務得聖賢旨趣在任六年士登科第者四薦授湖廣知

縣

黃瑤杞縣人嘉靖間教諭秀外慧中多學博辨尤敦尚廉



介同僚有... 禮壽... 者瑤正色曰儒官以禮義率人乃計  
利辱士耶教人而先失已惡在其為師也即麾士去人至  
今直之

錢鐸臨汾貢生嘉靖二十一年訓導和雅端肅口不言利  
志傳重之遷臨潼教諭

戴殊遇新寧拔貢生嘉靖間教諭性敏捷善論好吟諸生  
多資其啟廸遷淮府教授卒於官王親製奠章哭之

莫為珩永平貢生嘉靖三十五年教諭居心誠實符士有  
體司鐸五年所行多闢風化攝縣事以清謹著卒於任

民赴哭如失怡恃及輿輓歸祖奠者數里不絕去

本朝

索應運德州人順治二年以拔貢生知縣事府志縣尉誤持躬

清謹循聲丕著流寇陷城不屈自經死

王永命字福荷遼東海州人順治三年知縣事明末流寇

猖獗城經三陷烟戶寥落永命至撫輯有方濬壕湟通井

道修黌舍順治四年蒲城和葺邑志至今猶賴之築郭園護三井

溫伯仁事府志傳誤入去之

鈕琇字玉樵吳江拔貢生初任河南項城以憂歸康熙二



十七年服闋補白水以嚴明著壬申歲大祲奸民乘機劫掠琇執法窮治境內肅然又請發內帑三千金楚糧五百石以賑流亡遂集琇遇事剛決存心平恕故民無怨者性好遊覽所至輒採錄風土軼事名曰觚賸其秦觚一編則宰白水時筆也曾纂邑乘後以事去故弗成云

趙煥文懷寧人康熙初典史戊午大將軍圖海兵下平涼檄傳煥文招撫流散至棧口遇賊不屈死之事 聞贈河

南封邱縣主簿 康熙二十二年

白水縣志卷之三 官師終

白水縣志卷之三

知縣梁善長修

選舉志

自古舉賢皆選於衆信之於其素也秦漢以來恐上以實求而下不以實應故選之而必先試之或以策或以詩或以經義或以帖括蓋欲因文以知其人也我

朝文武並登他途雜進又不時搜求遺逸至公且慎倘以虛聲應無論科第不能重人卽蒲輪就道亦難塞乎清議惟知所自勵名實相副而後科目重徵辟榮卽貴



郎椽吏者農伍卒亦不得以格外輕之也志選舉

進士科 周禮大樂正論造士之秀者以告於王而升諸司馬曰進士此隋唐以來舉進士之始

後唐

科寶貞固

未詳其年 字體仁司徒有傳。按宋史傳貞固父專為後唐左諫議大夫而

身無考

宋

慶元二年

丙辰 科寶文賓 貞固裔官秩行實無考

明

天順四年

庚辰 科劉光哲 戶部

成化二年

丙戌 科侯恂 字誠之右副都御史祀鄉賢祠有傳

弘治九年

丙辰 科尙衡 字一中布政司參議祀同州鄉賢祠有傳

十五年 壬戌 科侯自明 恂長子按察司僉事祀鄉賢祠有傳

正德三年

戊辰 科王諤 都給事中

十二年 丁丑 科王誼 字舜夫諤弟按察司僉事有傳

本朝

康熙三十九年

庚辰 科奚湛 字清修未仕

乾隆四年

己未 科董獲麟 字聖庵一字龍北乾隆十八年授馬邑知縣

鄉科 本周禮大司徒以鄉三物教萬民而賓興之遺意漢代專用徵辟至隋乃立科舉之制唐宋元



明及本朝因之

宋

年號未詳

通禮科韓從訓

舉通三禮

韓文正

舉通三禮。以上邑志遺

韓令筠

舉通三禮。府邑志遺

年號未詳

明經科吳節

權

綱

劉志綱舉於宋。按府志權綱澄城人。金時舉明經。或名姓偶同乎。

元

延祐

科目未詳。科潘汝劄

西臺監察御史。有修澄城志。記及遊玉泉詩。計四。

未能叔蔡又作玉泉行。長林平許。知人意時送一天風。雨聲見澄城志。

至正

明經科潘

總

有雷公亞

科目未詳。科寶

明

洪武

二十三年庚午科

炳

州南直海州同知

二十九年丙子科

騏

字健菴。保定知縣。騏誤

楊

儼

廣西道監察御史

永樂

三年乙科

劉昂

雲南左布政使。有傳

劉現



劉銘 南京工部司務

十二年 科張奎 知縣

王禮 雲南道監察御史

十五年 科田疇 慶雲知縣

十八年 科劉贊 光哲父嘉祥知縣有傳

宣德 七年 科井源 龍州宣撫司教授有傳

正統 十二年 科劉光哲 見進士

景泰 七年 科侯恂 見進士

天順 六年 科劉光啟 光哲弟陝州學正。按光哲鄉科其母馬氏宜人墓表及學官祠

題名碑俱云六年壬午府志三年巳卯謾

武定 和順知縣有傳

成化 三年 科井奎宿 巨鹿知縣深州知州

正德 三年 科劉鸞 光啟子東明知縣

尚衡 見進士

八年 丁卯 科侯自明 見進士

高恕 歷黃州青州通判

十四年 辛酉 科王諤 衛籍解元見進士

十七年 甲子 科尙班爵 字崇周衛子有傳



正德二年丁卯科呂

璋字錫玉龍遊知縣有傳

八年癸酉科王

諷見進士

柴儒未仕

十一年丙子科王

詔諤弟

廉介有傳

嘉靖四年乙酉科劉

璣字士衡并陘知縣南京工部主事祀鄉賢祠有傳

四川關榜王時敏

十三年甲午科張

齡字永年矩孫重慶通判

王景征諷子未仕

十九年庚子科李應奎

字文煥陽信知縣祀鄉賢祠有傳

萬曆二十二年甲午科井

灃字俊一同未仕

二十五年丁酉科于修

字文明未仕

二十八年庚子副榜奚

琪東鹿知縣府志失載

北關副榜傅諫號龍泉利津知縣有傳

本朝

順治五年戊子科許洪範

字廣之未仕

康熙二十年辛酉科武廷翥

字亦如南鄭教諭有傳府志姓魏諫

二十三年甲子科奚

湛見進士



二十二年丁卯科王祐字福也

五年丁酉科井浚字淵如源十世孫巴東知縣

雍正元年癸卯張廷極字象北

十年壬子科王治世字敬明乾隆九年會試中明通榜第三十一名未仕

副榜楊世淳字秀章寶雞教諭

乾隆三年戊午科董獲麟見進士

副榜張巽字文升

十七年壬申恩科李藎字念

貢士明中命監司於府州縣弟子員年二十以上重端秀者授其尤歲貢入監此今歲貢之名所

自始嘉靖七年本朝恩授歲副四途並用此貢士出身之始

明

吳傲字憲章

張溫家譜洪武間始遷

水者諱春字維宇溫春之子劍之族子

張劍巡按御史

郭瑜洪武末右軍

費潛永樂元年貢

趙昇永樂三年貢

李遇渠縣知縣

龔敬武安知縣

復恂父榮湯訓導

王哲

仁卿後軍都督

張璧光祿寺監事

趙楫常熱知縣

貢士



劉 咨 俱永樂閣貢

馮 春 字伯仁 洪熙元年貢益都知縣

劉 景 孟德二年貢 孟縣知縣

王 鼎 宣德四年貢 晉府典簿

岳 鎮 宣德六年貢 武昌推官

賀 雯 宣德八年貢 山西按察司經歷官二十年

孫 固 宣德十年貢 正定照磨

張 玉 正統二年貢 龍江衛知事

王 秉 正統四年貢 威州吏目

劉 塘 正統六年貢

魏 麟 正統八年貢 介休縣丞

李 通 正統十年貢 江津衛知事

黃 繡 正統十四年貢 曲周縣丞

石 燾 景泰元年貢 沂縣知縣

石 琮 景泰五年貢

張 本

杜 稟 天順三年貢

王 學 天順八年貢 鴻臚寺鴻臚

穆 清 成化二年貢 台州

龍 昇 成化四年貢 遵化縣丞

屈 伸 成化八年貢 沁州

劉 澤 成化六年貢 字養民 陽城縣丞 有傳

劉 恩 成化八年貢 至德縣

孫 照 成化十年貢 唐府奉祀

田 麟 成化十年貢 鄭陽

馮 端 成化十年貢 字伯正 春弟 成化十年 澤州州判

王 通 成化十年貢 字士 成化十年 成化十年

田 鉉 成化十八年貢 州吏目 以清廉著

高 隆 成化二十年貢 字文盛 成化二十年 成化二十年

劉 聚 成化二十二年貢 成化二十二年 貢貴池 主簿

劉 鈞 成化二十四年貢 貢翼城 主簿

王 慶 成化二十六年貢 字伯祥 成化二十六年 貢費縣 縣丞

吳 欽 弘治元年貢 後府經歷

許 昌 弘治三年貢 足知縣 有傳

張 矩 字方器 高州知府 有傳

李 濟 應奎父 弘治七年貢 吉州訓導



李 琰 字廷璋 弘治八年貢 緡川縣丞

有賢 能聲

王 璉 字商器 弘治十一年貢 尚義高隱

李 琛 字廷器 弘治十五年貢

石 璵 字商器 弘治十七年貢

高 登 字遷之 高郵衛經歷

王 隆 字盛之 正德元年貢

張 鳳 字來儀 正德三年貢 鳳山知縣 鄉賢祠有傳

麻 紵 字文淵 正德五年貢

景 雲 字從龍 弘治八年貢 鄒平縣丞 運糧修堤

吳 欽 字敬之 弘治九年貢 揚州府知事 有傳

王 璽 字廷寶 弘治十三年貢 維縣丞 以明毅著

王 世臣 弘治七年貢

劉 佐 字相之 弘治十八年貢

柴 儒 見鄉科

張 紀 字天常 正德二年貢 鄭府奉祀

郝 學文 英 正德七年貢 大竹主簿

王 憲 字維綱 正德十三年貢 合州同知 有傳

高 嶽 字宗岱 正德十五年貢 新寧主簿 性墨電

侯自新 字景振 恂次子 正德十六年貢 山西都司

武 韜 字仲略 尚智子 嘉靖元年拔貢

石萬鎰 字廷珪 嘉靖三年貢 有傳

廉 憲 字振紀 嘉靖六年貢

柴 錦 字美中 嘉靖七年貢 武清教諭

高 勳 字汝立 嘉靖十年貢 有傳

李朝陽 字應時 嘉靖十四年貢 洪洞訓導 周府教授

井 斗 字調元 奎宿子 嘉靖十八年貢 隰州同知 達 智 字守愚 嘉靖二十年貢

李應奎 嘉靖十三年拔貢 見鄉科



胡志忠 字良弼嘉靖二十一年拔貢通州州判

劉琦 字珍如翼城縣丞

傅定 潘陽衛經歷

景東蒙 字國鎮嘉靖二十二年貢性温厚有史才

景東漢 字國興嘉靖二十三年貢

高尙志 字崇德嘉靖二十五年貢

石金 字汝鵬嘉靖二十七年貢澤州訓導

武勳 字光烈尙智次子嘉靖二十九年貢

劉友仁 字子益嘉靖三十一年貢蒙自知縣唐府審理正

問士 字道夫嘉靖三十三年貢

呂調元 字君化璋嘉靖三十七年貢廣昌訓導

田河 字嘉靖四十年貢

田子治 字嘉靖四十年貢

李應宿 字嘉靖四十年貢

奚子厚 字德載欽孫隆慶三年恩貢浮山知縣

田子修 字汝吉隆慶四年貢

李時實 字子充隆慶六年貢

石蘊玉 字用卿萬歷元年恩貢洪洞訓導寧夏王

府教

王熙 字雍如萬歷二年貢萬泉訓導

劉象先 璣次子萬歷二年貢夏縣訓導

景繇性 字繼堯東蒙子萬歷三年拔貢長安教諭

王丰 萬歷五年拔貢河水教諭

問為臣 字儻齋萬歷七年貢有傳

景綠夏 字纘禹東漢子萬歷九年拔貢山東運判

武汝戈 字稱齊定會孫萬歷十一年貢

井沂 字子魯萬歷十三年拔貢中教諭陽和衛教授葭州學正歷官四十年卒於任

吳三讓 字景伯萬歷十五年貢魏縣縣丞有才名井汾 字子晉沂弟萬歷十七年貢褒城訓導

垣王府 權自立 字純仁萬歷十九年拔貢陽教授丁丙

白... 卷之三 選舉



魏歸卒知縣  
授槐表其墓

傅思登 定孫諫從父通江  
教授巴州州判

李 梗 字抱一萬歷二十年  
拔貢岳州府經歷

曹 業 萬歷二十五年  
貢平涼教授

井 溱 字子鄭沂弟萬歷二十年  
七年恩貢陽城訓導

田嘉穀 萬歷二十八年  
拔貢正陽知縣

李 極 字建五萬歷二十九年  
年貢臨津訓導長洲

田紹稷 萬歷三十一年  
年貢訓導

李天寵 萬歷二十九年  
恩貢中部訓導

李 柱 萬歷三十一年  
二年貢

薛政仁 字北紫萬歷三十一年  
拔貢

梁國俊 萬歷三十五年  
貢嵩縣教諭

賀用光 字德輝萬歷三十七年  
貢西平訓導

劉大捷 字南宮萬歷三十九年  
貢開中訓導

薛之臣 字蓋吾萬歷四十年  
貢蘭州訓導

賀 長 字耀天萬歷四十二年  
貢沔池訓導保安教諭

葉大敬 字允恭蘭州學正

王應第 字及軒熙子天啟元年恩貢岐山訓導南鄭教諭

賀 昱 字明宇天啟七年貢鳳翔訓導順天教授

董運隆 字際泰天啟間拔貢綿竹知縣

井慶貞 字象周禮子崇禎元年貢薛冲霄 字天池之臣子崇禎六年拔貢石樓知縣

李思恆 井歸極 字化成溱子崇禎九年貢雞澤教諭

奚洪周 字公仁子厚孫崇禎九年拔貢臨晉縣丞龐成俗 字仲化崇禎十年貢太原訓導寶雞教諭

董純儒 字紹舒崇禎十二年恩貢樓霞教諭 奚洪鼎 字公養子厚孫闕鄉訓導

張宗孔 權 美 字孔室自立六世孫崇禎十四年貢



牛時和 武功訓導見

張兆盛 字休徵崇禎十六年拔貢鳳縣訓導

劉在朝 字蓋庭崇禎十六年拔貢有傳

賀聖典 字文載崇禎末貢吳堡教諭平涼教授

本朝

問修極 字敬修順治四年貢寧遠教諭

董繼舒 字宗先順治五年貢鎮洋知縣

申文進 字從先順治五年拔貢汴州州判

石而瑾 馬邑教諭

申文達 字成章順治十年貢廣州通判

王猷煥 字重華拔貢

靳育葵 字爾芳順治十四年貢考授縣丞未仕卒

郭名藩 字金城康熙元年恩貢平涼教諭 問則通 字公健

杜世芳 字爾院康熙九年貢安塞訓導 鄉縣丞譚知縣鈕瑋去思碑記

李在門 字翼唐康熙十年貢秦州訓導

董鶴齡 字子美康熙十一年拔貢以學行著名

董大猷 字允升繼舒子康熙十一年貢清澗訓導

井景 字星池度貞子康熙十四年恩貢

張若曦 字震一兆盛子康熙十五年貢歷狄導襄城訓導

張我靈 字靜虛康熙十七年貢

楊斌 字耀廷康熙十九年貢兩當訓導

胡文煌 字麟章志忠曾孫康熙二十二年貢

田盛觀 字頤公康熙二十四年拔貢有才名

王運新 字銘盤祐之父康熙二十五年貢

郝新景 字肇禧康熙二十五年貢南鄭訓導

王紀 字肇修猷煥子康熙二十七年貢

楊希聖 字敬修康熙三十年貢

王宏業

石獻琦 字蘭廷康熙三十二年貢

張爾謹 字子敬康熙三十五年貢

李坦簡 字泰然康熙三十六年貢泮陽訓導



李毓藻 字鴻章 蓋父康熙三十  
六年拔貢 膚施教諭

張嗣樾 字檀公 康熙二十  
八年貢 畧陽訓導  
李 鏐 字淑雅 毓藻父 康  
熙四十二年貢

靳澤 字介福 育葵子 康熙四  
十三年貢 登城訓導

奚博 字廣修 康熙  
四十五年貢  
奚育 康熙四十七  
年恩貢

田壯觀 字貞公 盛觀弟 康熙  
五十六年貢 扶國教

論 奚國棟 字梁公 博從子 康熙  
五十七年貢 府谷訓

李毓澆 字砥中 毓藻弟 康熙  
五十九年貢 漢中訓

王英士 字伯俊 康熙  
六十年例貢

郭九功 字叙之 康熙六十  
一年貢 蘭州訓導  
奚國樞 字操舟 雍正  
元年拔貢

劉純善 字一公 雍正  
元年貢  
問檜齡 字瑞林 雍正二  
年恩貢 有傳

潘香 字密公 雍正  
五年貢  
王治世 熙京孫 雍正五  
年貢 見鄉科

李毓潔 字介生 毓藻弟 雍正  
八年貢 富平訓導

武敬 字勝吉 雍正  
十二年貢

馮世謨 字丕顯 乾隆  
元年拔貢

楊璟 字光玉 乾  
隆四年貢

董敬昌 字欽菴 乾隆  
五年拔貢

劉音錫 字康侯 乾  
隆十年貢

馬琬 字世珍 乾隆十  
六年貢 有傳

高建功 字獻珍 乾隆  
十三年貢

貢士



于遵 字子循 乾隆十六年貢

秦仁美 字純修 乾隆十六年 恩貢

許養氣 字浩然 乾隆十七年 恩貢

楊奠國 字漢臣 乾隆十八年貢

武來祐 字福菴 定十一代孫 乾隆十八年拔貢

楊子翼 字輔公 乾隆十九年貢

國學生 古在鄉立小學在國立大學晉初立國子學今元子以下皆入學肄業仍周制也隋末改

學為監凡八監者稱曰監生授納之例自明始

明

田九齡 珂父安 邱縣丞

呂 名失

王克讓 應州吏目

王璘 崑嵐州吏目 以上景泰間

武尙志 字希周 定州

問 孝 有傳

高 遜 保定縣丞

高 緝 隆子勲父武進縣丞 以上弘治間

許讓 昌長子東 昌衛知事

許謙 昌次子膠 州吏目

侯自勉 恂第 三子

侯自同 恂第四子 州判 以上正德間

石奠 字邦鎮 緝王父 魏縣縣丞 有傳

寶 倉

張一弛 字東臺 齒子

劉象勉 琦子

奚璋

問大韶 孝之子 以上嘉靖間

本朝

白 斑 字文石 康熙三十二年 援例考授知縣 有傳

楊 清 字湛如 考授州判

孫光武 字文台



杜 鑑 字鏡溪 〇以上康熙六十年例

李 挺 字木菴 乾隆五年例 考授州吏目

侯玉山 字圭璋 乾隆十五年例

杜致漢 字方城 鑑子 乾隆十六年例

椽吏 周禮 庶人在官 掌文書者曰史 秦漢以來曰吏 椽筆也 椽吏謂習刀筆之吏也 漢武帝元光五年詔吏民有明當世之務 習先聖之術者 縣次續食令與計偕 此舉椽吏之始

明

潘 栗 洪武中 臨清茶官 遷永平 通判 擢濟南副使 官終山西太原左布政使

高堯徵 字正廷 天啟間 南陽博望驛丞

本朝

龔文煥 康熙五十二年 漢陽興山

武會科 朱乾道時 賜武舉 山身有差 明會試武舉等 其材略 推用然無武進之名 本朝始與

文會舉同 稱進士

明

萬歷二十三年 乙未 科 景國佐 蘇夏子 由文生員 中式 授西安 衛署所鎮撫 天啟六年 遷陝西

都司 僉書 崇禎初 擢都 指揮 僉事 鄉舉 無考

武鄉科 自唐始至明 制科 乃定 本朝因之

明

天啟 科分未 詳 科 劉元凱 選河南嵩縣 守備 未任 卒

崇禎 科分未 詳 科 王朝舉 南紀 莊人



本朝

順治十四年科郭天英

字傑寰潞澤營中軍守備

十七年庚子科高漢儒

字席珍未仕

康熙

二十三年甲子科郭琦

字康侯未仕

行伍明宣德五年詔天下都司衛所於屬官行伍歲舉智勇廉能者一人此兵士由行伍出身之始

明

張達

嘉靖間大同都總兵祀忠義祠有傳

張世英

達子涼州指揮使

張世俊

達子涼州指揮使事大同總兵

張世傑

達子涼州指揮使

張授

達從子涼州指揮使

傅作霖

練次子天

明

鄉飲賓

例舉人賓俱實介賓各一人衆賓數人

侯文禮

洪武初有傳

李整

正德間

傅思孝

萬曆間

賀珍

以高隱稱一誌賓筵再延不就

劉民賞

字獎吾忠厚樂施知縣劉夢陽延為正賓

本朝

楊爾欽

字寅之康熙四十四年衆賓

楊亨

字冲天施粟賑饑著鄉里康熙間衆賓

杜必純

字師文雍正元年衆賓

孫光秀

字清之代完賦稅繕修橋路雍正三年衆賓

賓

楊都

字皇畿為人廉靜授徒自給雍正間兩詣



賓 武 衡 字輔軒來祐祖睦嫻 義重任郵風高乾隆

六年 王英士 見貢生乾隆 七年太賓

劉太印 字顯玉乾隆 八年衆賓 馬希聰 字伯明乾隆 九年大賓

武 術 字慧齋衡弟温厚和平有 長者風乾隆十一年衆賓

趙元鰲 字大魁乾隆 十二年衆賓 孫永保 字子佑生員光秀乾隆 十三年大賓

王福首 字壽先禮裔乾 隆十四年衆賓 趙元敬 字學禮乾隆 十五年衆賓

李毓潔 見貢生乾隆 十八年大賓 問傲聖 字步先武生乾 隆十八年衆賓

李淵本 字淑靜生員乾 隆十八年介賓 潘天翼 字鵬 飛

邱天儒 字廉 邱還壽 字翹

姚 珣 字玉山○以上乾 隆十八年衆賓 馬 琬 見貢生乾隆 十九年大賓

潘天性 字懿德生員乾 隆十九年介賓 王 燠 字欽 表

王學由 雷 謙 字遜之○以上乾 隆十九年衆賓

壽官 漢惠帝始賜天下民爵通雅云所稱民郊鄉 里長之謂猶今之耆民壽官也漢賜民爵皆不

食租今之虛 銜自此始

金

郭 進 章宗改元授進義副尉泰和元年授進義校尉 年八十六歲葬大通道村北古榕旁其妹倩山陽

風祺為作墓誌銘元至正 十四年甥堯允中重鐫

明



張文達 字士通 矩次 子嘉靖 開授

張一強 隆慶 開授

王禹民 字子 皞

張目 字伯望 萬 歷間授

本朝

李文林 字秀山 乾隆元年 授年九十四卒

楊韶鳳 字九如 生員 乾隆元年授

農官 漢百官公卿表十亭一鄉 鄉有三老有秩 齊文 此今農官之始 雍正二年 詔州縣擇老農之

勤勞儉樸身無過舉者歲 舉一人給以八品頂帶

本朝

李鎮 字仲岳 見祖春和 傳雍正二年授

楊爾欽 見耆賓雅 正四年授

武術 字明遠 衛弟為人 樸 直謹厚 雍正九年授

封贈

明

侯復 以子恂累贈中憲大夫 右命 都御史妻馮氏累贈恭人

侯恂 累封中憲大夫 妻秦氏 封贈恭人 武 整

人贈 武 定

張達 以死難贈光祿 大夫上柱國 景東漢

氏贈 景 縣 夏

氏贈 景 國 佐

本朝

孫員以子定贈文林 郎順知縣妻田氏 景氏封贈孺人

孫國佐贈昭勇將軍 都指揮僉事妻朱 子國佐贈昭勇將軍 都指揮僉事妻出

昭勇將軍妻 昭勇將軍 昭勇將軍 昭勇將軍 昭勇將軍



李鏢 以子毓澆贈修職佐郎漢中府訓導妻王氏江氏封贈孺人

楊樾 生員以子世淳封修職郎鳳翔府寶雞縣教諭妻原氏封孺人

郭景玉 字名軒以子天英贈明威將軍營中軍守備妻堯氏王氏封贈

張一位 字素菴以孫奉雲贈昭遠將軍津王慶坨營都司妻雲氏贈恭

張及富 字近山以子奉雲贈昭遠將軍津王慶坨營都司妻呂氏贈恭

廢襲

張世英 以父達 廢指揮

張 失之 授 以父 指揮

旌表 坊各 如創

本朝

金子高天爵 字元善有傳 乾隆十七年

金

明 節婦史氏 李文妻 有傳

節婦李氏 江四妻有傳 洪武二十九年

龐氏 大雷八一村民高思温 妻有傳 正德元年

本朝

烈女張春兒 八兒 東若念村民張文 昌女見劉氏傳

節婦劉氏 東若念村民張順妻 有傳 康熙五十二年

張氏 門公村民奚 李氏 西文化村民 雷鐘妻有傳

旌表



神氏 先進村民楊儀鳳妻有傳

郭氏 陳家窩村民周焯妻

黨氏 劉家窪村民李班妻

侯氏 康寧衛民李潤妻有傳

張氏 侯家原民侯憲祥妻有傳

王氏 南六頭村民董璠妻

惠氏 後原村民呂貢妻

邱氏 後不村民呂月韻妻生

五年

高氏 東關民董經妻有傳

梁氏 邱木村民張養賢妻

秦氏 香村民生員國宰妻

張氏 陳家窩村民生員陳韶妻有傳

董氏 裡村民瑞妻

王氏 故現村民李世望妻

楊氏 現村民雷曉妻

張氏 雷村民楊有華

魏氏 走河村民

董氏 大雷公村民張光雲妻有傳

楊氏 大崖底村民朱君用妻

年

張氏 縣東關民董豐妻有傳

魏氏 縣東關民麻璞妻

李氏 縣南街生員門

秦氏 義會村民張型祖妻

黨氏 縣北關民石建成妻

杜氏 新村民郭應強妻

賀氏 炭窠村民吳尚信妻有傳

奚氏 何家河村民李攢妻有傳

靳氏 縣北關民田恂妻有傳

例凡婦女年三十以前夫亡守節至五十歲以後者准

其旌表給與坊價乾隆十四年以蘇撫雅言凡循分守

節者止許給扁加獎十五年湖撫唐 奏請



欽定扁額字樣部議給與清標彤管四字自是給銀建坊  
典無能濫邀亦慎重名器之意也

白水縣志卷之三選舉終

白水縣志卷之三

知縣梁善長修

人物志

人為萬物之靈人也而連物稱者何自人視之則人物  
分自天視之則人亦物也詩烝民之篇曰有物有則朱  
子大學章句曰物猶事也人能出其性生之哲造天地  
之所無開人世之未有如倉聖之造史制字千百年後  
猶且覩物思人至過墟墓而生敬焉然以此言人物則  
無人物矣但使行事出乎流俗不論天分人力而各有



以成其志節君子以為難其在女流中懷貞守節茹苦  
吞辛尤為歲寒之松柏也若夫世遠年湮言行不概見  
今以無徵而疑之則亦非平恕之論矣志人物

人物列傳

上古

倉頡陽武村人龍顏四目

論衡云倉頡四目為黃帝史

生有睿德黃帝

命為左史

呂氏春秋云倉頡造史

觀奎星圓曲之勢察鳥獸蹏躩之

迹依類象形始創文字天雨粟鬼夜哭龍亦潛藏終壽今

史官村北黃龍山下書二卷後漢西空杜林注經所載不

備

按史傳所載倉頡有二一為禪通紀之帝在伏羲前

春秋

元命苞云倉帝名頡姓侯剛河圖玉版云倉頡為帝而

巡登陽虛之山臨于立扈洛汭之水靈龜負書丹甲青

文以一為史官在黃帝時見史記淮南子說文皆云始作書舊志

以今陽武村之倉頡為倉帝考倉頡廟中各碑記或稱

倉公或稱倉夫子或稱史官或稱倉帝紛紛無定名史

記云倉頡居陽武卒葬衙之利鄉亭南衙即彭衙白水

之舊名利鄉即洛河北之史官村倉頡生長卒葬於此  
後人即以其官名村黃龍山下所葬之倉頡其為黃帝



時史官無疑也而倉頡曾居西安府西南宮張村造字故西安府志誤載為長安人

周

秦冉字開孔子弟子從祀廟庭唐封彭衙伯宋加封新魯

侯有贊

見藝文志

卒葬無所考

秦氏冉史記家語俱不詳何處人或以為蔡人而讀宋

贊彭衙高士一語則為白水人矣劉家莊秦氏家語載

冉自社田遷衙之利鄉當有徵據

後唐

竇貞固字體仁臨川里人父專後唐左諫議大夫貞固幼

能文同光中舉進士除河東節度推官晉祖在藩邸知其

廉介即位擢為戶部員外郎尋拜中書舍人少帝即位遷

禮部尚書知貢舉奏復夜試改刑部尚書漢祖入汴貞固

率百官見於榮陽帝以姓自漢出遂襲國號欲尊光武為

始祖并親廟為五詔廷臣議貞固上言請立四親廟夏享

高皇帝光武皇帝為始祖法文武不遷之制用歷代六廟

之規漢祖從之遂拜司空門下侍郎同平章事隱帝嘗

加司徒時楊邠史弘肇王章等樹黨凌上貞固不能規救



周祖兵起遂詣周祖周祖登位加兼侍中即宰相俄罷相守

司徒封沂國公世宗即位以范質為司徒貞固不樂遂歸

洛陽入宋未仕卒年七十八先自為墓志不傳司徒官魯里居嘗以宋史本傳為據水人傳云白而蒲城志

則力辨為蒲城人又謂貞固父專山扶風徙居蒲考府

邑志有質文實者宋慶元二年進士白水人司徒裔蒲

志載司徒之後甚詳何獨缺此一人可知宋元以來地

方分割遷徙靡定實氏子孫分居蒲城白水沂國公本

白水人無可疑也宋史傳云遂歸洛陽蒲城志言

乃洛水之陽非河南也余意司徒初本隸籍河南至

官後始移家白水耳司徒子孫今多在縣南河下名實

家焉

明

侯文禮安招里人質直長厚言動不苟人無少長皆敬

之有相競就質判分曲直無不輸服洪武中數徵召不起

邑宰延為鄉飲正賓凡三十餘次年九十五卒

劉昂臨川里人永樂三年舉於鄉歷任未詳何地皆有能聲

官雲南左布政使致仕歸適卒



劉贊音實臨川里人素有志槩永樂十八年舉於鄉正統初

司訓成都尋掌教蓬萊遷嘉祥知縣歷官二十年餘所至

不失其職初贊與兄質賢弟貴贊皆異爨後兄弟各不克

自立贊以其妻馬言復與同居克全支愛云語詳太常少卿彭時所誌

其配宜人馬氏子光哲天順四年舉進士第六人除戶部

主事次子光啟登天順六年鄉榜歷任山西保德州河南

陝州學正告歸卒光啟子鸞登弘治五年鄉榜正德五年

知大名府東明縣時流賊攻東門二日將陷鸞登城督戰

百餘台頃刻二創神色不變巡守愈勵賊攻急鸞乘城

矢石交下賊圍乃解活數萬民監司以聞上召鸞慰之

事載明史。劉志云。鸞罷官後入長垣籍。

并溪鄉莊村人宣德七年舉於鄉明年登進士乙榜授山

東沂水教諭改孟津遷四川龍州宣撫司教授歷官三十

年辭歸蕭然林下卒年七十有九子奎宿順貌偉容勤學

識中成化十三年經魁授直隸巨鹿知縣擢深州知州

唐官嚴毅能斷吏不敢欺孫斗字調元奎宿第三子也以

五經入泮嘉靖中由歲貢生為山西隰州同知年十歲時

隨父宦巨鹿適獲鹿知縣薛韻山西河津人文以事至席

清公瓊之子



間命作送行詩斗口占一截尾句云異鄉人送異鄉人讀  
奇之因妻以女斗自是有詩名人稱爲關中井三居鄉和  
平渾厚至老好學不倦易簣時猶與子若孫詮解中庸三  
斗孫澧字依同一字周原萬歷二十二年中春秋經魁爲  
人磊落誠信夙擅文藻上春官不第孫吏部丕揚薦授刑  
廳不就歸博採軼事助修邑志知縣劉夢陽甚禮敬之初  
澧赴考貢督學沈賞其志勸入秋闈曰必舉陝魁澧曰白  
水無科目六十年蓋限於風氣得微祿養老足矣沈曰六  
十年來無子才有才知子寧久困也後榜發果第三人不  
仕卒所著有彭駕雜錄子度貞字象周崇禎初歲貢生亦  
有文名井浚字淵如源十世孫康熙五十六年舉於鄉雍  
正五年謁選發往湖北試用歷署漢川石首實授武昌通  
山縣尋調巴東浚才情敏達有德惠於民未幾以事罷歸  
同時有井輔紫者字東星弟肇黃字育元亦源十世孫兄  
弟甚相友愛先後入泮屢試皆優等肇黃膺乾隆四年歲  
薦輔紫以食廩終輔紫家故貧適應考費無所出所交白  
文元亦諸生之貧者搜其所有而資之行輔紫以書答之  
曰子何以不足補不足也邑人交稱之



侯復號雲軒安招里人右副都御史恂之父也少有遠志  
 經史百家靡不涉覽及為諸生文名日盛而屢困場屋正  
 統六年以歲貢生司訓榮陽遷山西靈石教諭所至化久  
 以德教士以正士登科第者率多賢俊云

武定字寧一別字靜齋器休村人天順六年以禮記舉於

鄉至京有題雁塔詩傳名噪一時初知山西太原縣改知

和順剛正廉明馳聲兩邑子尚智字希周卒業成均痛母

早逝無意仕進孫韜字仲略勲字光烈曾孫汝戈字楨齊

俱以貢生終勲性傲而寬早有文譽賻喪恤貧鄰人多受

其惠云康熙二十九年舉人武定縣知縣者定之七世孫也

傳

劉澤字養民耀現村人成化中貢生值歲饑與弟五人捐

米賑恤及為陽城丞開渠鑿井以導民利有廉愛風

侯恂字誠之一字靜齋少穎悟有神童稱長好學書經目

不忘又精書法年十八登景泰七年鄉榜成化二年歲進

士除戶部主事改山東按察司僉事督運京畿軍儲轉湖

廣按察司副使尋擢山東按察使歷外臺十餘年秉理執

法凜裁凜然擢都察院右僉都御史巡撫大同嚴飭將吏



威振邊塞再轉副都御史巡撫山西勞績益懋已召入  
 都提督操江致仕歸卒孝宗遣官致祭恂負才鴻碩操履  
 清儉遇鄉人謙和有禮兼有家邦之譽子四自明自新自  
 勉自同也自明舉進士另有傳

副都御史本居縣城之北街其後人遷於縣西十里

今名侯家原

許昌許家原人弘治間由貢生知西川大足縣居心慈祥  
 政有條理子讓謙皆以例為國子生讓東昌衛知事任達  
 能政謙膠州吏目僑儻通明官不稱其才云

侯自明恂之長子幼聰慧長與修藝居梅康海村正久

恩合人何景明遊問學博洽能文工詩善州書舉弘治十

五年進士除戶部主事操守廉潔正德間以忤權閹劾罷

謫安慶通判是時劉六齊彥明寇襄樊欲浮江漢下襄陽

自明預畫密計以一矢斃渠魁賊不敢犯皖城士庶製

續八詠頌之擢四川叙瀘兵備僉事尋被閹黨劾歸

問孝宣化里廩膳生員居縣之南街弘治間輸粟入太學

為人端正淳謹事繼母王氏極孝賢士多與之遊正德時

以孝廉召未赴卒子大韶字希堯官山西平遙縣洪善

承



呂璋字錫玉北原村人幼喪父事孀母王氏以孝稱正德二年舉於鄉歷知寶豐鞏嵐龍游四縣咸有清勤聲于調元字君化嘉靖末由貢生官山西廣昌訓導告歸卒

張矩字方器支肥村人歲貢生山東巡按御史劉裔也劉裔志

云矩劉子張氏家譜云矩與劉叔姪也按舊志選舉委劉洪武末入距正德初相去百十餘年矩當是劉裔

德初知四川名山縣平易近民在任九年卓有善政御史

楊公舊志未詳其名薦之遷廬州知州孫齡字永年嘉靖十三年

舉於鄉官終重慶通判有創修秦山巡檢司見秦山志

科貢題名碑記曾孫一強字東皇朝子碑志

州

王誼字舜夫耀現村人雲南道監察御史禮之子也性嗜

學好吟咏工書法舉正德十二年進士任知府事不辭難

擢按察司僉事俱未詳何地未久引疾歸有彭衙詩集自正德十三年

至嘉靖五年計千六百篇今失傳誼負氣任俠有高才而無顯在人皆惜

之論其詩謂五言隱秀時可尋味七言力學

杜古體多率易而乖音節今體每纏綿而乏神理然視關

中同時許伯誠馬仲房之倫則已超乘而上矣兄諤舉弘

治十四年鄉試第一正德三年成進士官至都給事中弟



詔正德十一年鄉舉任同知子彙征嘉靖十三年鄉舉文  
章風雅萃於一門

廉介字清夫懷德里人居縣城東關登正德十一年鄉榜  
篤行好學從涇野呂柟谿田馬理遊未仕卒

奚欽字敬之門公村人弘治中由貢生官揚州知事駐劄

瓜州勦平水寇江南北人為之勒石立祠孫子厚字德載

隆慶三年貢生知浮山縣有惠政改知巨津州不就既去

邑民祠祀之奚瑋萬歷間太學生歲荒賑米人感其德奚

瑛中萬歷二十八年副榜知東鹿縣皆子厚子瑋子三人

長洪周字公仁崇禎九年拔貢生為山西臨晉縣丞工楷

行書次洪斗字星一邑諸生為文有氣骨早沒季洪鼎字

公養由歲貢生任河南閩鄉訓導亦善書洪周子恂如增

廣生員遭母喪廬墓三年知縣蔣如瑤表其門奚湛字清

修恂如之子也康熙二十三年鄉試經魁三十九年會試

中式四十二年殿試成進士以臂疾未仕子秦楠秦楷皆

邑諸生秦楷亦有善書名從子秦模邑廩生癸巳 恩科

薦而不售早卒

王憲字維綱弘治七年荒勸父以粟賑正德間由貢生官



合州同知廉平多善政

張鳳字來儀新卓村人正德三年歲貢生孝友素孚於鄉

里授澤州判恤民愛士有循良聲借治汾陽催科不擾署

陽城祈雨立應陽人語曰誰云半刺

半刺謂任君刺史之半唐改稱太守為刺

史却非共理之良自是殊才當致長官之任後遷知唐山

縣治行尤著告休歸以道自重非賓筵不至城博帶褰衣

威儀中度人以地行仙目之

劉璣字士衡林臯村人資性穎敏嘉靖四年而弱冠舉於

鄉邑長為欽里金弗受知非涇縣專務德化置一盂水於

座右曰我心澄清當如此十一年歲饑賑治者以為計即

年大疫散藥療治又收養道旁遺孩掩埋野外殍骨時有

遺孩記枯骨傳及蝗不入境詩傳於邑已又請銷銅佛鑄

錢降阜孟賊分滹沱水能聲蔚起後以執辨疑獄忤臺使

意左遷武昌教授至則以白鹿洞教規督繩諸生禁玉講

先師孔子廟由中道璣進言非禮應聘分校浙闈聞父喪

哀毀成疾返任未幾卒時已擢南京工部主事矣璣善論

易理為人清正持躬立政皆有法度祀武昌名宦祠子象

先官夏縣訓導孫三省鄧州州判曾孫元凱文生員兩甲



武科舉選河南嵩縣守備未赴崇禎五年被盜死

李應奎字文煥馮雷莊人祖濟字君惠為吉州訓導篤實

勤敏應奎少負才名丰儀俊偉嘉靖十九年舉於鄉除山

東陽信知縣為治嚴明羣小屏跡值秋水滄沒民田應奎

履畝引過自責民皆感泣人春米價翔貴死者相枕藉應

奎蹙然不樂詣中丞請發倉以貸中丞意難之應奎請益

力得發粟二萬石民賴全活卒於官士民有海天悲詠無

祀陽信名宦祠

石萬鎰

鎰通志作鎰

字廷正何家河村人嘉靖三年歲貢生性

樂恬退與王虎谷李孝廉

舊志本詳其名

游見園日博築室仁初

山中講易士多從之晚年留心黃白之術莫究所終云

高敷字汝立武進縣丞縉之子曲沃知縣隆之孫也嘉靖

十二年貢生博洽能詩仕太平縣丞辭歸築室南園日以

吟咏自適時論高之

張達號雪山龍山村人涼州衛兵士以戰功授指揮累官

都督同知掛征西將軍印總兵大同嘉靖二十九年夏

答舉兵入寇力戰死事聞詔贈光祿大夫上柱國諡忠

從祀武廟達少不知書而膂力絕衆及掌閫惺勤問學有



智略持法甚嚴而能與士卒同甘苦每遇敵好離營略陣所向有功卒以此敗邊人惜之子世英世俊世傑三人世

英廕指揮世俊以功擢指揮使復總兵鎮大同世傑以功

擢指揮僉事從子授亦以功官指揮戰亡子未詳其名襲一門

武功稱最盛焉張達死難事載御撰資治綱目三編

石奠字邦鎮別字一泉龍尾灣國子監生也弘治間其父

立禱於東嶽之神而生奠少時性行剛端淑尤好讀書父

歿事母甚謹母病親調湯藥一十八嘗不就枕忽夢神告

曰增爾母壽一紀病果愈初鄉人勸奠仕奠以母老高

及母歿乃出為大名府魏縣管馬志有能聲譽錫肥鄉決

疑獄恤寒士政多善績三年考滿乞歸以思親過哀卒年

五十五附葬城北父塋右光祿卿三原馬理表其墓語詳邑

人蘇介所撰墓誌銘見藝文志子蘊玉字用卿廩膳生員能勤問學萬曆

初由恩貢生任山西洪洞訓導遷寧夏壽陽王府教授

歸以詩酒自娛嘗集其先世行實宦蹟及諸縉紳題贈

作裝為冊藥教諭冀為珩序見藝文志季子璞玉字美卿一

西渠以諸生終

董蒙萬歷間北井頭村人割股肉以療母病母歿又廬



三年至今鄉里猶傳其孝焉

問為臣字儉齋縣南街人少以學行知名屢赴鄉闈不

萬歷間由歲貢生歷興安平利訓導課士勤懇多所培植

云

傳諫號龍泉文化里坡頭村人唐太史命奕之裔也洪武

初其先人繪自萬年縣今咸寧花陰川徙居白水九傳三諫

少有文名萬歷二十七年應賢良文學科貢入武均明年

庚子中北闈副榜三十九年出知山東濟南府利津縣有

治聲督收岱頂碧霞元君香稅溢額十五萬有奇直督使

者以聞將超擢為忌者所中左遷南陽經歷遂掛冠歸

右布政使朝邑王子陞所撰

傳氏先塋墓表見藝文志

李春和字煦陽一字念東文化里廩膳生員居縣城之北

關父梗字抱一萬歷二十一年拔貢明年授河南宜陽縣

丞轉湖廣岳州衛經歷署華容石門臨湘三縣明敏有守

撫按屢加獎譽考滿告歸卒春和少孤事母極孝母病痢

臥牀褥數載春和日侍湯藥親為滌穢母歿廬墓三年日

夜臥敗草中衣絮積蝨如蟻聚冬日廬前池冰忽結為蓮

菱荷悉具西延同知胡贈以詩有冬池浮玉葉冰鯉躍銀



河句崇禎初流賊薄城春和與知縣張名世謀捍禦日夜巡警以雉堞為家者五年忽以病卒名世哭之題表曰

王事致身

語詳知縣崔九圍所撰孝子傳及抱石道人白爾瑜所贈李氏世德篇

春和次子

元徵字黃庭邑諸生曠達善清談有晉人風自號懶菴

子文徵字獻庭亦邑諸生抱病家居二十餘年不履屣市

好讀通鑑性理及太上感應篇見人陰德善行贊不絕口

或至手舞足蹈云孫鎮字仲岳元徵子性行淳樸雍正二

年舉授農官鎮子浩本淵本皆邑諸生淵本有文行乾隆

十八年冬知縣梁善長延為鄉飲介賓孫誕國子生言訥

而心辨錄字淑雅文徵子康熙四十二年貢生修家譜立

宗法未仕卒子毓藻毓澆毓潔皆貢生毓藻字鴻章乾隆

十七年恩科舉人李蓋之父也為人端重有體工楷書

雍正二年為廬州教諭十三年告歸毓澆字砥中性嚴正

不徇俗雍正十三年任漢中訓導官七載告歸毓潔字介

生乾隆九年任富平訓導至十七年亦告歸圖書外囊無

他物十八年冬知縣梁善長延為鄉飲太賓李氏家世孝

友廉謹有祖風焉

劉在朝字蓋庭林阜村人生員劉我芝之祖年十五為邑



諸生崇禎十六年拔貢以例選四川新繁知縣因父耀道  
 亂殺於盜在朝每瞻拜坵墓涕淚交頤遂無意仕進設教  
 鄉里一時著名庠序者多出其門所居有竹林花塢在朝  
 日與抱石白道人嘯咏其中自號竹溪學者因稱為竹溪  
 先生年六廿三卒所著有竹溪詩文集散失未刻

李姓者

舊志蠹蝕失名

縣之侍均里人舊志稱其孝親及弟恤孤

憐貧

本朝

武廷龜字亦如器休村人父習傳字省三素有聲譽戶潘

伯王宏祖器重之為立書院於馮翊教授生徒習傳與邵  
 陽作魁善魁當路屢以書招之不答適奉使蒲城欲延致  
 之候三日習傳堅意不往亦不言其故後作敗人乃服其  
 先見廷龜幼承庭訓登康熙二十年鄉榜事繼母備歷艱  
 辛終始無怨言母為感悟授南鄭教諭至即詳請督學天  
 正增補廩額有一生武斷鄉曲孀婦被其害廷龜按生於  
 法南鄭文風久不振廷龜嚴立課程日為講經課文士風  
 乃丕變焉年七十五卒

白斑字文石卓子村生員康熙三十二年援例入監考授



知縣嘗捐貲延師教育子弟壬申歲饑流亡載道班施地賑粟鄰里德之子建基業儒不售所行多善事有寧夏張德憲字仁遠者仕白水訓導遷鄜州學正卒於任其子興觀至白水貧無以葬建基與之地張一家十餘口皆依之爲生班凡有與於人不促其償鄉人遂負其債數百金班歿建基悉焚其券人謂其善體父志云年七十一卒

問檜齡字瑞林雍正二年恩貢生少在縣南街讀書文昌閣中比長奉父遷於張家坡篤於孝義其母馬氏病瘵七年嘗藥視膳始終如一嘗受業於貢生張我靈執弟子禮甚謹我靈歿亦時分所有以恤其孤云子疇國子生業

醫  
馬琬字世珍先進村人保定知縣馬騏十世孫年三十六始爲邑諸生試輒列前茅膺乾隆十六年歲薦爲人舉靜

樸誠敞盧風雨嘯歌自得居鄉謙退於人無所譏評有賢則理判之其族季父馬希驄字伯明增廣生端重自持居恆罕履城市不入公庭嘗語人曰陽晝之言可羞也此二人者皆有古君子風舉爲鄉飲大賓士論韙之

高天爵字元善一字本初曾均村人七歲父亡就家塾師



授之詩每誦至蓼莪章輒嗚咽流涕師異之曰高氏子其  
 哀後身乎母王氏乾隆二年夏患時疾侍床下四閱月醫  
 禱備至疾隨愈十二年母卒天爵哀毀骨立泣扶母柩葬  
 於村西三里父墳之旁築室守之四時哭奠夜或風雨必  
 出巡視若是者三年不見室人之面余甫下車造其廬時  
 署縣事陳大呂已上其事於臺司列之奏牘矣十七年

命下建坊旌表

靳福海字鯨川西章村人母王氏康熙三十九年二月  
 危疾百藥弗效福海嚙判左臂肉以進疾旋已

復疾福海又割臂肉和藥母服之遂愈西延同知宋顏其

門

金節婦史氏邑民李文妻文死父憐其年少強之歸許嫁  
 邑人姚乙不從姚訴之官史恥對吏自經死事聞詔有司  
 旌其墓

明節婦李氏正修里民江四妻四歿李年二十五歲織紡  
 治生事養舅姑撫育兩子守節不二洪武二十九年旌其  
 門

龐氏大雷公村民高思溫妻入門時年一十八踰年思溫



亡有遺腹龐守孀孝養舅姑生子恕教之學登弘治八年鄉榜歷黃州青州兩府通判祿養以終正德元年旌其門

以上見劉志

本朝節婦劉氏東若念村農民劉文成女適同村張順亦

業農劉刈豆田間借兩小姑春兒

年十八歲

年九歲

往有惡

少高小子至語挑之劉正色峻拒春兒八兒亦相阻高怒

以鑿刀砍之春兒傷四刃死八兒傷一刃死高乃強欲淫

劉劉大叫罵高遂連砍劉十二刃死時年一十六歲康熙

五十二年閏五月二日事也

秦開置高極刑旌氏門

縣齊宗德表其墓

張氏門公村民奚浩妻府谷訓導國棟之母也素嫻女訓

年十九歸浩五載浩死時國棟尚幼張曰代夫撫子義也

子長或才命也吾惟有行義俟命焉耳其始劉氏病卒遺

弱子女各一家人竊憂之張曰是在我無慮也於是乳哺

鞠育不啻所生鄉里賢之康熙間知縣鈕琇顏其門乾隆

四年旌年七十三卒今其孫煥為邑諸生能修名行曾立

亦森立張之遺蔭也

李氏西文化村民雷鎮妻膚施教諭李毓藻之妹也鎮業



儒齋恨終李年未三十矢志撫孤甘守寥寂初李歸未浹旬而姑死遺一子鉦未周歲李訓撫之一如已子鉦長事李如其母繼姑武氏無所出及老臥病於牀李爲進食除穢拂蠅無少倦怠人以爲孝乾隆四年旌年今八十歲

种氏先進村民楊儀鳳妻儀鳳歿种年甫二十撫三歲

廷棟其姑早世舅久患病种侍養弗懈教廷棟爲邑諸

孫滋榮亦入泮乾隆四年旌年九十一終

侯氏康家衛儒童李潤妻年二十三守孀姑死事舅孝謹檢夫遺書授子永慶勤績紡以資給之後入泮乾隆四年

旌

張氏侯家原民侯憲祥妻憲祥死張年二十一撫子君保長令就學應童子試冠軍遂遊泮張持教頗嚴一日君保道歸自經死張甚痛之乾隆五年旌年今六十一歲

高氏縣東關民董大經妻歸時年纔十七越兩載夫亡鉦子高悲泣屢欲引決因親鄰慰勸乃截髮毀容以示靡飾夫素貧蹇自舅姑暨諸伯叔相繼溘逝家益落窶高撫兩弱齡姪衣食之資悉自十指出城中人無不知其苦者而高固甘樂之年八十一卒乾隆六年旌



張氏陳家窰村生員陳韶初名善妻韶事父母有孝行讀書  
 早入泮張年十八歸韶韶忽遭狂疾不可近張曲為承順  
 家貧無資典釵裙以供朝夕韶死張二十三歲祇抱一幼  
 女兩擇繼子皆弗育張堅志自守終能為夫立嗣乾隆十  
 年旌年今六十八歲

楊氏固現村民雷曉妻性溫惠無疾言遽色曉患疽楊為  
 洗滌敷藥晝夜無間曉死楊年二十祇有襁褓子一悲不  
 自勝既而曰此兒雷氏宗嗣所繫殉夫而兒或不保徒死  
 何益守志稱未亡人歷艱苦四十二年乾隆十一年旌年

今七十七歲

董氏大雷公村民張光雲妻董入門時逮事孀姑以孝著  
 光雲病瘳於神廡以身代姑聞之感泣康熙辛巳董年二  
 十五而光雲歿有子方五月悉心育之以至成立晚年安  
 受侍養而終乾隆十四年旌

楊氏大窪底村民朱君用妻君用死楊年二十五姑曰守  
 節良難吾不强婦以所難也或以姑意白之楊佯為不解  
 多方誘之終不去楊家業故薄而寢膳務適姑心姑歿喪  
 葬盡禮子有亮遊泮先楊而逝有幼孫三楊撫之長皆能



習勤以供甘脆康熙壬寅卒年七十二乾隆十四年旌  
張氏縣東關民董愷妻愷素患痰疾事母稍疎問視心當  
戚之張歸代事惟謹又時延醫購藥以療愷病及姑歿夫  
亡家貲半耗衣食常不給張無怨色嘗誡其子世福曰汝  
父臨終以汝爲囑汝若不肖余將來何顏見汝父於地下  
其嚴正如此乾隆十五年旌明年 恩賜老婦粟帛與焉  
卒年九十二歲

李氏縣南街生員周傳聖妻何家河諸生李粹女也年十  
八于歸善事舅姑舅姑雖愛少于李待之一如舅姑意值  
聖病歿李年二十六無子舅姑垂老夫弟不克自持李  
節提撫之及娶而生男曰家督之祀不可斬乃立爲夫嗣  
乾隆十六年旌年今六十九歲

杜氏新村民郭應強妻歸五年夫亡子少母家遺棄杜  
曰一身而事二夫是禽獸之行也與我生而禽獸何若起  
而猶得爲人乎遂奮身躍入井中以救速得不死母家聞  
之懼乃聽其守志乾隆十七年旌年今七十九歲

管氏炭窠村民吳尚信妻年十七于歸事舅姑以孝聞二  
十夫歿氏不食三日欲自經以家人防之密乃已有姪生



欲醮氏氏知之痛哭投井鄰人救之屢折不回終成其節  
乾隆十九年旌年今七十八歲

奚氏何家河村民李櫝妻少父亡母嫁寄食於伯母王氏  
乾隆辛酉年甫十五歸櫝其翁繼娶曹氏性頗嚴奚曲意

承歡夫櫝辛未臘病卒無子奚誓不獨生踰年春二月能  
夫生辰費無以薦奚泣曰夫為餒鬼妾何以安遂潛置生

杏仁於醯中飲之須臾毒發死時年二十六歲乾隆十九  
年旌

氏北關氏出幼妻年十六歸同門其夫染惡疾未合

卷冷氏改適氏不從五年夫亡誓以死殉姑力勸乃止  
孀姑八載以壽終喪葬如禮後一年夫弟與嫂相繼歿此

遺周歲一子斬撫之成立兩門一線賴氏以積守節五十  
年乾隆十九年旌今七十一歲

明末旌節婦景氏和順知縣武定第三妻也定繼妻惠氏  
生一子尚智五歲母死十歲父卒景年猶少守節鞠之信

樞勞瘁尚智長以學行著時稱繼母之賢以景為最  
王氏北原村糜膳生員呂經汪志妻年二十經病卒遺子

璋王撫之誓不改適弘治中連值歲荒質衣珥為食又嘗



災薪代膏督璋讀書璋領正德八年鄉薦官知縣歷四任  
 王猶勤勞如初時士大夫欲聞於宰適璋卒遂中止云  
 武氏歸敬里增廣生員李向春妻二十七歲而寡始老疾  
 在牀有子蘭方五閱月家窘甚武勤女紅以易薪米姑卒  
 殯葬之具皆其措辦蘭長為之擇師隨補弟子員食餼於  
 邑鄉里嘉之

李氏縣東關民吳孟賢妻生子三護甫四歲而孟賢歿時  
 李年二十四數日滴水不入口既葬乃強飯自始寡至老  
 足不踰閭刻子三護多學有善行為闡輔名士萬歷中仕

嘉言死楊年二十一產子尚儒猶在襁褓舅姑相繼

楊氏正修里民楊景隆女適村廩膳生員許昌言

去世夫兄利其產欲奪其節楊坐臥佩刀以死自誓得終

其志後子尚儒及孫協皆補邑弟子員楊年至八十而終

以上見

姜氏渭南人萬歷間生員王旂妻旂以負李監生麥被辱

赴井死姜國之亦投井以殉事聞於官而寃未白三閱月

李監生暴死



李氏縣東關生員奚洪斗妻歸未兩旬洪斗忽縊不起疾臥牀褥二年李親調藥餌呼天求代比死方殮憑棺慟哭即拔刀上樓侍女尾之奪刀而下俄聞樓中響聲急登而視之已投縊矣救之弗及遂與斗同日殞觀者無不嘆惜事聞府司題扁表之時崇禎二年七月五日也

本朝末旌節婦郭氏宣化里民于仁妻守節終身

高氏文化里民李恩崇妻守節終身 以上見王志

李氏縣北關田開稷妻開稷字平世讀書處有名李十七

歲歸之連產兩子後二年開稷暴卒妻年七十又生一子

李仰天嘆曰此吾死時也然吾死此兩老者將誰依乃

指明志勤力作以備孝養焉既而次子夭折舅姑相繼歿

僅一兒度日屢遭寇警子母相依為命者垂四十年康熙

壬寅卒年六十五知縣崔九圍表以詩有春雲度幕愁

雁秋月窺窗恨斷猿句氏經歷李棟次女生員奚洪斗妻

李氏其姊也當姊自經時李聞而哀之曰姊何幸而為其

易者至是果守苦節人以其言為讖云後有奚氏田乃

妻開稷之孫婦也歸年十六至二十三乃播亡遺幼子二

其家視李太姑守節時寔尤甚奚矢志不移知縣謝立



其門乾隆丁巳卒年八十二

馬氏先進村生員楊正原妻康熙三十三年正原卒馬年

二十三有一子朋方三歲或誘之改醮馬曰夫婦之義母

子之恩不可斷也守孀至老身無完衣日恆不再食未嘗

一蹙眉知縣謝立聞其賢表之至乾隆十五年乃終

趙氏縣北關民李有仁妻年十六歸李門越十年夫亡遺

幼子二趙不改醮飲冰茹蘗四十餘年年令七十四歲

人李蓋借諸生舉其節知縣梁善長顏其門

蓋氏耀莊村民王夢麟之繼妻也夢麟初娶 姓人女在

子廣爾未歿康熙丁酉再聘置入門時年十九越三載

夢麟亡祇抱一幼女或諷之去董曰吾聞婦人一醮不改

雖夫無子義不當去况夫前室有子乎遂守孀撫寅今且

育孫矣距夫亡時守節三十餘年知縣梁善長曰嗟乎以

重女而事失偶之夫難已夫亡又能子夫前妻之子順命

盡道董其賢哉因顏其門

楊氏南井頭村武生王璋初名瑞妻年十八歸璋雍正八年

璋病歿祇遺一弱女家徒四壁衣食靡所貸客至槁瘁或

曰盍更適以全軀命何太自苦如此楊不答守節七稔夫



家母家同逼其嫁楊慮不免佯許之咸信其然一日蒙浴更衣潛入臥室自經死與史孫燦述其事亟表之

劉氏小雷公村民劉春光女嫁爲耀莊村井克行妻劉子生政美之母也歸年十六越九載而夫亡時政美甫七歲舅老家貧劉守志侍養不缺甘旨政美長教之耕讀家業漸充年令六十四歲知縣梁善長顏其門

段氏林臯村民劉琳妻年十六于歸事舅姑孝謹寒暑靡間二十三歲寡居一子早殤一女尙幼段堅不改醮以正惟與爲夫綱旋抱孫焉乾隆十七年卒年八十九有三知縣

梁善長顏其門

楊氏耀莊村民王大任妻年二十八寡居無子夫弟生員王大有以次子爲之嗣守節三十餘年清正勤儉有如一日知縣梁善長顏其門

張氏林臯村生員劉超之妻也歸年僅一十四歲事舅姑能識大體佐超讀書遊泮生一子已超臥病不起謂張曰十年耕讀無玷先人清德死復何恨所慮者二親在堂一子尙幼非汝則無能孝養耳張感泣守節以成夫志乾隆己巳卒年四十七知縣梁善長顏其門



任氏康熙四十八年嫁方城村民劉樹猷纔一十五歲遺九年樹猷死遺子運超二人尙幼任誓不入他門年今六十歲知縣梁善長顏其門

賈氏蒲城人適林臯村劉雍甫十五歲姑先舅歿事舅極敬雍耕讀偶惰則直諫年十九雍亡事舅倍謹撫所生二子教之勤儉壬申歲歎雖升斗不給晏如也年今五十一歲鄉論已定故表之

鄭氏蒲城鴉口村鄭家楷女也年十五歸姚家河民姚士舉爲妻事舅姑以賢孝聞至二十三夫以疾歿氏食貧無別絕跡里閭守孀四十餘年內外無間言其族有姚悔者

余癸酉冬所舉爲鄉飲衆賓者也生平謹厚能識義理教其鄉人不涉訟事非輸賦不至城獨率衆以鄭節孝請吾於此益知恂之賢而亦可想見鄭之賢矣夫能守節行孝者天必祐其躬而昌其後氏有三子世法世度世則皆娶室生子氏今亦年踰六十云

魏氏縣東關民郝光才妻年二十七守孀撫子今六十二歲知縣梁善長顏其門

龔氏年十六適侯家原侯全正僅六載而全正亡遺一子



漢臣甫周歲姑勸之改醮寔曰舅遺薄田數畝足以養姑  
天祚姑門不十年兒漢臣長婦與姑可永相保矣姑嘉歎  
之守節二十八年今四十九歲知縣梁善長顏其門

郭氏小雷公村武生高元勳之母也康熙五十八年適其  
父御纜一十六歲踰二年御亡守孀撫元勳成立迄今五  
十二年堅白無玷鄉評歸之知縣梁善長顏其門

閻氏中原村民同還積妻夫死年二十三時舅姑俱歿一  
子尚未周歲夫謂閻曰余逝矣汝勿營孀骨未寒拋兒去  
為余九泉羞閻飲泣受命守節三十一年撫子至於成太

族黨稱之知縣梁善長顏其門

高氏羅莊村生員王封冀妻雍正五年封冀病卒高年二  
十二有子錫智甫數月高撫育之至成立鄉人欲舉高節  
高辭之曰夫死守節婦道之常何以名為至是知縣梁善  
長修邑乘錫智以母年踰五十不忍沒母之節舉以告廉  
之得實乃顏其門

謝氏年十八歲適可仙村民閻光允康熙辛丑光允歿謝  
年二十八



婦

張氏寨耳村儒童賀廷遠妻年十七歸廷遠舅姑俱亡太  
 始王氏尙存未兩載廷遠患病不起謂張曰吾家產未云  
 薄而婦人守節良難况汝又無子我死汝即去之張流涕  
 曰有太姑在妾去其誰與養也廷遠歿張遂告之太姑以  
 兄嫂之子振錫爲嗣守節三十餘年孰行婦道太姑嘗  
 人嘗其孝族黨亦時稱其惠焉前知縣鍾朝明手書松翁  
 擬三大字顏其閭年五十三以卒

王氏義家坡村民李寓珍妻年一十五歲于歸至二十三  
 而寡有二子方弱齡家無恆產王勤織作以供炊爨守志  
 二十六年年今四十九歲知縣梁善長顏其門

樊氏縣東關民間仁繼妻武生問著之繼嫂也氏生蒲城  
 名族年十六歸仁克守禮法言笑不苟五年夫亡無所出  
 矣前室郭遺二子樊撫之不啻己出二子亦忘其爲異母  
 也樊年今四十有三守節已二十三載可卜其終身矣故



表之

以上節婦凡三十一人俱未受旌而清操苦節不可沒也故核其實而叙次之俾藉以傳焉

董氏劉家莊民王標妻康膳生員王星烈之母也雍正乙巳舅生員王御都患病不痊氏聞醫者言人臂肉可治遂割之調羹以進聞者皆駭歎前知縣謝立顏其門

孫氏縣東關武生郭寓麟妻其姑劉氏得危疾孫焚香默禱於神自割左臂肉以奉疾遂愈時雍正元年九月二十日也六年七月終前知縣郭亮白顏其門

姚氏家村民賀國樛妻乾隆九年春以割臂奉姑聞前知縣鍾朝朗顏其門年四十八終

賀氏卜家莊卜學科妻年二十八其姑高氏乾隆壬申春正月臥病日所進非肉不甘味入夏值旱祈雨禁屠宰姑思肉甚貧跪禱竈神割左臂肉以代閱數月夷然無恙人以為孝感所至

割臂非中道也而愛敬篤摯由於天性彼惜身忘義者對之有餘愧矣雖不在茲例可為勸誡故錄之

僑寓列傳

僑寓列傳



唐

員半千初名餘慶字榮期齊州人少與何彥先同學於王  
 義方之門義方器重之曰五百歲一賢者生子其當乎五  
 百半千也因改名曰半千擢童子科應舉凡七皆中對策  
 擢高第高宗嘗問兵家何謂三陳衆未對半千進言曰古  
 以星宿孤虛爲天陳山川向背爲地陳編伍彌縫爲人陳  
 臣謂不然夫師以義出沛若時雨順天時是天陳也足食  
 約費且戰且耕占地利是地陳也舉三軍士如子弟從父  
 兄得人和是人陳也帝善之官至弘文館直學士累封奉

原部公... 五君清白... 節表乞骸骨歸... 是白水亭

葬焉時年九十四

杜蕘字子美杜陵今咸寧人負才放曠遭亂流離肅宗至怨

元載肅宗改年爲載五月自奉先挈家至白水依其舅氏崔少府

六月自白水往鄜州後避寇又至白水依孫宰甫詩素有

盛名所作舅宅喜雨一律崔少府高齋三十韻及彭衙行

俱見... 邑人士爭鈔誦之已孳家往鄜州會祿山亂至鳳

翔謁肅宗除左拾遺以疏救房瑄觸上怒詔三司推問

宰相張鎰力救得釋甫遂還鄜州省家後客死於耒陽



岳年五十九邑人思之為立祠焉  
明

尚立行名志以字行同州人馮翊王可孤裔河東路康詩  
使時中之子也學通五經元末隱居縣南之龍岡與蒲城  
趙孟賜馬巨江渭南石相元遊以道學相引重洪武初孟  
賜應召為太子文學特薦士行於朝授訓導未詳世籍為  
南岡先生

趙世英字季含蒲城人崇禎三年舉於鄉知慶都縣  
與和鼎為祥狂之遊世英與鼎皆端嚴負氣節遺之

鼎隱蒲城晉王村世英改戴黃冠隱於白水其彭衙山居  
詩云生當列聖平成後忍見遺宮禾黍餘忠愛之思流溢  
筆墨之外全詩載藝文志

白爾瑜號鹿華又號抱石道人安定人以恩貢生中崇禎  
六年經魁李賊自成與之同郡素知其才屢招之不赴隱  
居縣林阜村之北塢放浪山水以詩酒為樂終身不仕

墳墓附義

上古

倉頡家在黃龍山下廟後有萬歷二十九年知縣崔汝魁



所題碣其墓碑宋嘉祐庚子五月移置廟廊下今存

按史記倉頡居於陽武終葬衙之利鄉亭南皇覽曰墳

高六尺考墳之尺寸與路史相符葬處西里許有史官

村即古之利鄉又二十里許有陽武村廟內一碑載倉

聖死黃帝勅葬彭衙以酒脯掩之則墓在白水無疑

翔志謂在岐山縣南五里倉頡廟東石獸石柱猶存上

古葬不封不樹安有石獸石柱論者謂此特漢魏後之

古塚是也丹鉛總錄謂在耀州考州志並無倉頡墓或

以白水曾隸耀州而誤而河南固始封府城及山東壽光

縣俱有倉頡墓此或伏羲以前之倉帝塚也而兩處又

必有一訛

周

秦獻公及出子墓據史記俱在衙今失其處

按出子寧公  
子也寧公一

作意

杜康墓在其廟左王志康能造酒墓側遺槽尚存豈康殺

即葬於造酒之地耶今墓前並無遺槽亦無前人所豎碑

碣乾隆十九年  
表曰漢杜康墓



雷祥墓在其廟後

郭巨墓在縣西二十里鳳莊墓前有碣知縣毛應詩立

築牆六十二丈

鳳莊郭姓民其為孝子後裔年遠無考墓見於河南山

東者四論者以在林縣為確

晉

劉曜

字永明

父永垣陵母胡氏易投妻羊氏

懷帝后曜虜之納為后

平陵晉書云在粟邑今失其處

唐

平原郡公員半千墓嘉祐雜志云在白水今失其處

野客叢談云嘉祐雜志載白水縣民得員半千墓志云

十八代祖疑自宋入魏以其雅正似伍員遂賜姓員考

唐書本傳其先本彭城劉氏十世祖疑之事宋及齊受

禪奔元魏以忠烈自比伍員因自姓員傳文與碑不同

如此按員切平聲非音運

後唐

司徒竇貞固墓舊志在縣西南十五里罕井村其地久屬

蒲城今失其處



明

侍郎裴炎墓 府志在縣東北十一里

按舊志選舉人物並無裴姓官侍郎者據劉家莊生員

言其始祖琫元順帝時為兵部左侍郎有墓在

莊邊去縣東十里疑裴字乃秦字之訛也而潘御

劫題碣止曰秦氏先塋則亦難定為琫墓矣 莊中大碑

磨滅惟碑頭有象書大金改居士墓銘七字

左布政潘粟墓在阿門村

征西大將軍余達墓在龍山

御史楊儼墓在大陽村

副都御史侯恂墓在縣北門外五里許有御祭文諾勅兩

碑 一碑陰有康熙三十九年修墓記 子自新自勉 附 舊志子自明附誤自明墓在縣東門外

其神道碑在縣北門外道旁

本朝

節婦劉氏墓在東若念村西北與烈女張春兒八兒同並

墓前有節烈坊

義塚 宋名漏 澤園

萬歷三十六年吳三讓捐設平地一畝坡地一畝五分



南門外里

乾隆十八年

撫軍鍾 飭設義塚同時捐地者五人

劉漢卿 字相若生員劉孟魁 皇甫正綱 字徽典武生捐地三畝在西恒寨

楊魁斗 字星吾武生楊振國父 捐地三畝在大陽村

雷 論 字警寰捐地三畝在固現村 李大本 字中安捐地三畝在通道村

按史晉時劉曜營葬其父母於粟邑發掘古塚墓石千

百宋真宗時同州守姜遵為太后建浮屠於京兆蓋毀

古碑碣以充甃甃白水地近同州其被害可知而



